

嘉慶新修江寧府志

新修江寧府志卷之四

沿革

辨沿革者莫難於江寧自吳迄明八爲國都名旣數更地多僑置今雖悉心稽考猶未必無誤也然援引正史反覆證明其疏謬之大者則庶幾免矣作沿革志

江寧府爲禹貢揚州之域春秋時蓋進退吳楚之間左傳襄公三年楚子重伐吳克鳩茲至於衡山衡山今江寧上元溧水境之橫山也

此本劉昭郡國志註之說

故知楚莊王時

師嘗至此矣然未必有其地也吳志註引江表傳張紘言金陵楚武王所置邑按楚武王安能遽至此置邑太

平寰宇記言楚威王滅越置金陵邑以史記越世家楚威王大敗越取故吳地至浙江之言證之寰宇記之言爲當意今本三國志註武乃威字誤耳然則戰國時地屬楚史記甘茂傳范蠡言楚南塞厲門而郡江東然則江東楚郡名也故儒林傳有江東矯子庸疵秦並天下置三十六郡蓋易江東名會稽郡而項羽敗時烏江亭長曰江東雖小地方千里此或舉楚故郡名乎秦漢之間又分會稽爲鄞郡此則爲鄞郡地然鄞郡之置不可決定其始何時也自秦以前沿革實遠難考自漢以後乃有地志差可推尋今作表斷自漢始而論辨之說附

諸其後

國朝 漢 三國 晉 宋齊梁陳 隋 唐 五代 宋 元 明

江寧丹楊

吳為國西晉為都猶名丹楊郡

國都國都

文帝平唐初郡昇州楊初為昇初為建陳置蔣廢縣隸溥時為州天禧康路世

應天

府本郡初

丹楊郡置太守東晉為國都改

梁直南州楊帝潤州武金陵府二年升祖至元

丹楊郡復名丹德三年徐知誥為江寧二十三年更名江寧三年改康路行此成祖

府太

八縣雍鄆郡景

正八年帝時屬以溧陽江都國

陳廢立建興郡

七年更名江寧三年改康路行此成祖

統江南南京

縣屬鎮武帝元

江府今封二年

江寧地

名揚州九年廢

統江南南京

江府今封二年

江寧地

名揚州九年廢

名揚州九年廢

統江南南京

楊郡屬

揚州今

名揚州九年廢

名揚州九年廢

統江南南京

揚州今

名揚州九年廢

名揚州九年廢

名揚州九年廢

統江南南京

郡得漢

郡詳縣

名揚州九年廢

名揚州九年廢

統江南南京

新修工寧府志

卷之四 沿革

二

乃漢九  
江臨淮  
郡地詳  
後縣表

上元 秣陵 建康 建康 建康 建康 江寧 上元 上元 上元 上元 上元

江寧 漢初屬建安十  
鄭郡景六年孫  
秣陵 秣陵 秣陵 秣陵  
平陳並唐初江  
為一縣寧縣隸

縣皆附章時屬權自吳武帝平  
江都國徙居秣陵吳但置  
江寧 江寧  
為蔣州潤州武楊氏因初並昇初並建應天府  
治後為德三年唐但置州治後康路治治

武帝初陵改名秣陵太  
康二年  
湖孰 湖孰  
丹陽郡改歸化上元為並建康後並集  
縣八年金陵府府治 慶路治

易王子  
秣陵侯  
分秣陵  
以水南  
江乘 江乘  
名金陵治南唐  
九年名分置江

繩國繩  
死復為  
水北為  
臨沂 臨沂  
白下真寧並為  
觀元年江寧府

縣江都  
王國除  
晉末避屬丹陽  
同夏  
復名江治

縣屬丹  
楊郡王  
愍帝諱後二縣梁大通  
改建業屬琅邪三年分  
寧肅宗  
上元二  
年乃定

年廢光  
啓三年  
復為昇  
州

并日宣亭

江乘

屬丹楊

郡莽曰

相武

為建康

卽邱

建康之同夏里

江寧

元嘉八置陳大年省併建十年

太康二陽都

罷琅邪

年分置

郡立建

湖孰

費元興領同嘉夏江乘

江乘

十五年臨沂湖自併建孰等縣

臨沂

康臨沂

懷德陽都

卽邱

孝武大明五年

費

省併臨沂

陽郡肥鄉

名上元

光啓二

年為昇

州治

江乘西屬魏郡

晉屬丹元嘉十

楊東晉一年省

僑置琅魏郡以

邪與後其民併

五縣皆建康

屬琅邪

北新城

博陸

屬僑置

高陽郡

堂邑

屬僑置

堂邑郡

肥鄉





深水

溧陽

吳為典  
農都尉

溧陽

溧陽

溧陽

溧水

溧水

溧水

溧水

溧水

溧水

屬丹陽治

郡今縣

得古溧

陽西北

境

陳以前隋初以武德三吳屬金屬昇州成宗時明太祖皆屬丹溧陽屬年隸楊陵府南後屬建升屬兼二年辟楊郡

蔣州開州九年唐屬江康府

屬路

州為縣

屬應天府

皇十八隸宣州軍府

年改曰乾元元

溧水後年隸昇

屬丹陽州州廢

郡

復隸宜

州光啓

三年復

隸潤州

乾元元

年隸昇

州州廢

復隸潤

州光啓

後復隸

昇州

江浦歷陽

東境

烏江烏江烏江烏江烏江烏江烏江烏江烏江烏江

晉分淮  
南立歷  
陽郡又  
分郡東  
為烏江  
縣

隸昇州  
高祖時  
分其東  
置溧陽  
溧陽令  
屬鎮江  
府

明太祖  
省烏江  
入和州  
後分六  
合和溧  
州地置  
江浦縣  
江浦得  
烏江故  
地為多

六合堂邑

漢初爲陳嬰侯國後屬臨淮郡東漢屬廣陵郡

堂邑尉氏

元魏置橫山縣

六合六合雄州六合六合六合

晉初堂邑縣屬

懷德

高齊置開皇初武德七年唐爲屬真州屬真州明初以秦州周廢郡存年析置雄州周

臨淮元宋秦郡

改方州四年石梁以復爲六

府尋屬應天府

帝渡江領懷德郡曰六合六合石合縣

於其地縣齊無合

倚置秦秦郡有

郡安帝臨江郡

遂改堂領懷德

邑爲秦縣齊又

郡於瓜步

尉氏

置齊郡

初屬備

置陳爾

郡後廢

陳爾郡

縣屬秦

縣併尉梁二縣

氏堂邑置方州

方山縣貞觀元

大業初年州廢

廢方州省石梁

以縣屬以六合

江都郡屬揚州

高淳溧陽溧陽溧陽溧陽溧陽溧陽

屬丹陽

郡今縣

治乃古

溧陽西

南境

高淳

自唐至

明以前

爲溧水

西南境

明孝宗

時分溧

水置高

淳屬應

天府

江寧府在春秋不能確指其爲何國地漢書地理志丹  
楊郡丹陽縣下註云楚之先熊繹所封按史記楚世家  
熊繹居丹陽徐廣說此丹陽在枝江縣楚立國本在荆  
州故春秋初國猶名荆不得處於揚州之地徐廣說爲

是而孟堅移以指揚州之丹陽蓋謬誤矣所可知者楚師嘗至此耳又太平御覽引十道志云六合縣本秦棠邑春秋時棠也左傳襄三年楚子爲庸浦之役故子囊師於棠以伐吳卽此案左傳昭二十年有棠君尚杜註伍尚爲棠邑大夫則棠邑屬楚史記刺客傳專諸吳棠邑人則棠邑又屬吳然則此江南北地春秋時蓋皆進退吳楚之間矣

史記甘茂傳范蠡謂楚王曰楚南塞厲門而郡江東楚策作范環云昧之難越亂故楚南察瀨湖而野江東厲瀨古音相近瀨湖者其卽江寧之溧水乎秦策范雎言

伍子胥橐載而出昭關夜行而晝伏至於菱夫菱夫史記作溧水而吳越春秋等書記子胥乞食溧陽有女子擊綿於瀨水之上然則瀨水固吳楚邊境地矣越世家云楚威王大敗越取故吳地至浙江夫楚取吳地至浙江固當連包江寧溧水地也

江寧府在秦時其縣名見者三一曰丹楊始皇本紀二十七年過丹楊是也二曰江乘本紀還過吳從江乘渡是也三曰秣陵劉昭注續漢書志稱秣陵本名金陵秦始皇改是也然此三縣不可決知其何屬若江北之棠邑據高祖功臣年表六年冬十月甲辰封陳嬰爲堂邑

侯堂邑卽棠邑其名已見春秋意必秦時之舊縣然堂邑漢屬臨淮而秦初無臨淮郡也續通典云棠邑秦屬九江此臆度之辭實無明文可據又漢地理志九江郡秦置而歷陽爲其屬縣按項羽本紀范增已爲歷陽侯意歷陽亦秦舊縣矣今江寧江浦之縣後置推之於秦漢大約其南臨江地得歷陽之東境焉

史記貨殖傳衡山九江江南豫章長沙是南楚也其俗大類西楚徐廣註江南高帝所置江南者丹楊也秦置爲鄣郡武帝改名丹楊按徐廣之說是以江南爲郡名容見於他書今不可考

今上元江寧兩縣地南北百四五十里東西百餘里漢於此置秣陵一縣又江乘有其縣地一半其與今不甚異也至六朝則分爲五六縣地計一縣地不過方四五十里耳良由建都於斯民居繁密賦役猥重縣所莅勢不得廣譬之今蘇淞四五縣地有不逮江北一縣之地者矣又晉以前刺史太守並不居此及晉之平吳旣移刺史太守於此又以一縣分析至三蓋孫皓旣降其故都人民繁庶衣冠仕進不改也晉武設官命治撫卹之意頗詳及後隋之滅陳則兵火摧殘人民耗減而隋刻削故迹惟恐不盡併合四五縣以爲一無復撫養凋瘵



之心此晉所以雖喪中原猶保江外百年之祚而楊氏  
殄盡之速亦其宜也

江乘地古東西所及甚遠史記始皇三十七年東巡會  
稽還過吳從江乘渡並海上至琅邪又三國志註引干  
寶晉紀孫權爲疑城自石頭至於江乘魏文自廣陵望  
而畏之度其地當入今丹徒界矣自隋裁江乘其地乃  
分入丹徒句容江寧三縣而今上元東北江乘村固古  
縣治也

漢丹楊郡統縣十七宋書州郡志晉武帝太康元年分  
丹楊立宣城郡晉志亦云分丹楊之宣城宛陵陽安

吳涇廣德寧國懷安石城臨城春穀十一縣立宣城郡  
理宛陵而元和郡縣志云漢順帝立宣城郡太平寰宇  
記亦云武帝元狩元年據漢志乃元封二年記復誤改鄣郡爲丹楊  
郡至順帝又改爲宣城郡皆爲謬誤失實矣

漢丹楊太守本治宛陵吳時則史志不言所在舊江寧  
志據張紘先主之言辨以爲在建業按紘與先主所言  
乃論都非言郡治惟呂範傳言領丹楊太守治建業然  
此是孫權上荊州時事故特云卿爲我守建業若太守  
本居建業則不必言治建業矣此治建業乃是暫耳太  
元二年孫休立爲琅邪王居虎林諸葛恪不欲諸王在

潁江兵馬地徙休於丹楊郡若郡治在建業非潁江兵馬地乎案孫韶傳孫翊爲丹楊太守遇害時孫何屯京城間之馳赴宛陵此丹楊郡守在宛陵之確證當孫休爲王時數爲丹楊太守李衡所侵及休立衡懼罪自拘詔遣還郡若郡治在建業何以云遣還郡乎然則吳前後丹楊太守不居建業惟呂範居建業其豐耳宋書州郡志云晉武帝太康二年分丹楊郡立宣城郡治宛陵而丹楊移治建業是宛陵自漢爲丹楊郡治而至是始移之其言致爲明晰矣

建康實錄吳太祖下云建安二十六年始置丹陽郡自宛陵理

於建業二十八年以征東將軍高瑀領丹陽太守復自建業徙治蕪湖此說不知何本

宋書州郡志晉武帝太康元年復立歷陽當塗迨道二  
年復立鍾離並二漢舊縣也三國時江淮爲戰爭之地  
其間不居者各數百里此諸縣並在江北淮南虛其地  
無復民戶吳平民各還故立焉據志言則三國時魏吳  
俱無此數縣矣今六合在古爲棠邑亦正兩國戰爭之  
地魏與吳所俱不能有吳志赤烏十三年吳主遣軍十  
萬作棠邑涂塘以淹北道蓋吳魏於此皆不立縣吳人  
特作此塘以防魏兵之至而已

琅邪郡本在古徐州之域今沂州府是也東晉流民從  
琅邪王南度僑置郡縣於江乘界內以鳩聚之然當時

琅邪大族如王氏乃東居會稽不必盡居此也特守令  
必在此耳宋書州郡志言桓溫領郡鎮江乘之蒲洲金  
城此世說所謂桓公經金城見昔爲琅邪時所種柳者  
也齊書州郡志琅邪本治金城永明徙治白下按蒲洲  
金城略當在今神策門外邁高橋左右元武湖北地也  
晉書元帝紀永昌元年劉隗  
軍於金城褚裒傳裒鎮金城永明旣徙郡治之後則故  
城廢壘狐兔居之故齊武帝數幸琅邪城爲獵也琅邪  
自金城所徙白下者謂白石山下白石當卽今神策門  
外之石灰山其山正多白石山下地甚平敞故六朝建  
置郡縣屯兵營壘每在此地南望石頭城不及十里故

蘇峻在石頭城將攻京口而晉軍屯白石者得聞其集

衆鼓聲矣

事見孔坦傳

地理之學莫難於江左以僑置郡縣在其間也初晉亂

琅邪國人隨元帝過江千餘戶太興三年立懷德縣丹

楊雖有琅邪相而無定地成帝咸康元年桓溫領郡鎮

江乘之蒲洲金城上求割丹楊之江乘縣境立郡

自晉亂以

下皆宋書州郡志之文

自是琅邪略有土矣其屬縣五曰臨沂曰

懷德曰陽都曰費曰卽邱此皆略分地土以爲縣治而

已晉所置至宋漸省故宋志云永初郡國有陽都費卽

邱三縣并割臨沂及建康爲土費縣治宮城之北元嘉

八年省卽邱併陽都十五年省費併建康臨沂孝武大明五年省陽都併臨沂蓋至是琅邪屬縣僅有臨沂及江乘矣其懷德一縣史不言其省而宋堂邑郡領有懷德縣則又以江南僑置之名移於江北也至齊書州郡志南琅邪下有臨沂江乘蘭陵承譙五縣然彼註云建元二年平陽郡流民在臨江郡者立宣祚縣尋改爲譙是譙乃臨江之僑縣雖其時或以琅邪領之而與蘭陵及承皆未必僑於建康地也

兩漢地志但有湖孰縣無姑孰縣晉書地志亦然而簡文帝紀及桓溫傳並云溫自白石鎮姑孰蓋姑孰本卽

湖孰也史亦或作湖孰皆聲近字異耳成帝咸和二年蘇峻將韓晃入姑孰屠于湖蓋湖孰殘毀矣及桓溫於此殘毀之餘更築城建鎮故世說云宣武制南州街衢平直晉書所云鎮姑孰也夫湖孰丹楊之屬縣也既桓溫據之其吏民豈復丹楊尹所能使令哉意其時丹楊尹別於秣陵句容之間置湖孰令以存其舊屬此今上元東南之湖孰鎮則其地也其後桓溫既死而姑孰爲南豫州雄鎮所居不可遷改而此上元東之湖孰亦遂不復回於是湖孰姑孰本一也而分爲二矣漢縣地必百里若今湖孰鎮阨隘山谿秣陵句容間劣四五十里



漢代安能以置縣哉至於湖本晉分丹楊縣立

宋書州郡

志於湖晉武帝太康二年分丹揚縣立本吳督農校尉治

爲韓晃所屠蓋亦旋廢而

宋齊之世或有覺姑孰湖孰兩地之混則置於湖於湖孰之故治齊書志所云永明八年復置於湖以爲刺史治是也然自宋及梁陳之史屢言姑孰鮮云於湖梁陳之史無地志不知其時縣名本日於湖而世沿舊稱率曰姑孰乎抑南州縣名實爲姑孰乎要之今之當塗正古之湖熟而今上元之湖孰乃東晉以後之縣耳元和郡縣志乃云當塗南二里有姑孰水故縣名姑孰吾謂此乃因縣而名水非因水而名縣俗說誤而李吉甫誤

採葢不悟姑孰湖孰之爲一也宋子京於漢志云湖孰當作姑孰其言雖未當然知湖孰姑孰之一者惟子京也史於湖孰姑孰用字率通取不分異袁顗傳景和中從幸湖孰此今當塗也晉安王子懋傳董僧慧丹楊姑孰人此今湖孰鎮也

沈休文宋書地志但載丹楊郡之湖孰其於淮南郡謂丹楊縣分爲於湖而當塗自于湖分不載姑孰之名蓋休文不悟丹楊郡湖孰非古湖孰而淮南當塗地乃古湖孰非于湖所受丹楊地也惟其五行志中有云周延歸王敦明年錢鳳謀亂遂族滅延而湖孰尋亦爲墟矣此所指湖孰乃古湖孰葢舊史之詞而休文因之也

六合在古爲棠邑宋書州郡志秦郡太守下云晉惠帝永興元年分臨淮淮陵置堂邑郡蓋永興之時天下大亂揚州諸郡遭石冰之陷此堂邑郡蓋討石冰者承制所暫設耳非朝制也及元帝時乃以棠邑僑置秦郡蓋東晉之初中原士女避亂南奔僑立郡縣雜於本地郡縣之間猶爲旅客意待清定北返故鄉久而安居江介無還反之期乃定爲斯土之人主而非客於是朝有土斷之制以革其相溷雜之名矣元帝時雖以堂邑僑置秦郡而堂邑名故存也逮宋武秉政始嚴行土斷故宋志以改堂邑爲秦郡爲安帝時事此言不誤檀祗傳義

熙八年亾命犯涂中秦郡太守劉基告急斯可以互證也而唐修晉書乃云元帝改堂邑爲秦郡則爲謬誤失實矣

元和郡縣志晉太康二年分曲阿之延陵鄉置延陵縣蓋因季子以立名按晉時延陵當兼得今句容縣東南鄉地故晉書許邁傳餘杭懸雷山近延陵之茅山是洞庭西門潛通五嶽又南史齊高帝紀昇平二年冬延陵縣季子廟之北忽聞金石聲疑有異鑿深三尺得沸井建康志引圖經沸井在句容縣東三十里虎耳山然則二山在六朝皆延陵縣境也其得今句容縣地固多矣

南史恩倖傳徐爰南琅邪開陽人也按爰事在晉末宋初此縣亦是當時僑置而年不可考

東晉時江北之堂邑雖存而江南又嘗僑置堂邑故宋志揚州下云江左又立高陽堂邑二郡高陽領北新城博陸二縣堂邑領堂邑一縣後省堂邑併高陽又省高陽併魏郡又寰宇記引輿地志晉僑立魏郡然則江南又嘗僑立此三郡矣宋志又云並隸揚州寄治京邑按京邑者京師也故晉書義熙十三年以高陽內史劉鍾領石頭戍事元年劉裕以弟道憐領堂邑太守戍石頭而廢魏郡在今上元縣界

見一統志

夫東晉時江北之堂邑

縣固存也而江南又僑堂邑郡者流民遷徙不盡歸土也凡晉宋書王國寶楊佺期毛安之劉穆之等傳所云爲堂邑太守者當兼治江南北之民及義熙八年江北定稱秦郡而江南之堂邑郡旋亦廢而併於魏郡宋志文帝元嘉十一年省魏郡以其民併建康蓋僑居民少不足以立郡惟琅邪統江乘民乃成郡久不廢也東晉時堂邑亦僑立陳畱郡穆帝紀江西乞活郭敞等執陳畱內史劉仕而叛是也後郡廢所領縣又并入秦郡而尉氏一縣則固陳畱僑縣之舊名矣

宋秦郡領有懷德縣齊無秦郡有臨江郡領懷德縣則

桑伯... 卷之四  
堂邑之地在齊屬臨江郡又劉懷慰傳齊國建置齊郡  
於瓜步懷慰爲太守則齊時僑置齊郡亦在此境

陳高紀梁敬帝紹泰二年五月齊兵至秣陵故治又云  
於秣陵故縣跨淮立橋柵按此所云故縣在臺城東南  
似是漢時縣城今秣陵闕地也若吳之秣陵晉改爲建  
業者治在其北六朝所謂臺城也晉復置之秣陵治在  
淮水外臺城之西南皆非漢舊治故謂此在東南者爲  
故治也高齊之師於紹泰元年度江來侵本自姑孰沿  
江岸至石頭迄其敗還次年度江取蕪湖而梁沿江列  
兵不可過故曲從其東取今小丹陽彭村路行雲臺山

之南至秣陵故城循方山之西繞出鍾山之東北則梁石頭以南之守戍爲不相及此用兵之間道也陳文育傳言其歸畱船蕪湖由丹陽步上所行卽是北齊兵所行之路

梁書武帝紀宋大明八年生於秣陵之同夏里三橋宅後升爲縣寰宇記所云同夏故城在江寧縣東十五里是也及陳而屬建興郡陳書大建十年以同夏縣屬建興郡是也隋平陳並諸縣皆入江寧語見隋書地理志丹楊之與丹陽今世史傳雕板字不畫一按漢書地理志丹楊郡丹陽縣下注云楚之先熊繹所封其郡與縣



字異又按晉書地理志丹楊郡丹楊縣郡縣同字下注  
丹楊山多赤柳故名近何義門輩據此欲改漢書郡縣  
皆應從木而實非是也按史記楚世家言熊繹居丹陽  
徐廣說此丹陽在枝江縣今孟堅移以指丹楊郡之丹  
陽縣固誤矣然使文非作陽孟堅何由誤耶又據王子  
侯表江都易王子封於丹陽者曰湖孰侯封於蕪湖者  
曰丹楊侯丹楊國名不與丹陽之縣相涉然則後以爲  
郡名亦不必與縣同稱郡縣異字本非誤也至漢郡縣  
名不可義說多矣丹陽之縣已見秦始皇本紀之三十  
七年東巡若因赤柳爲丹楊其言晚出唐修之晉志寧

必信乎夫晉書丹陽縣之轉爲丹楊猶湖孰縣之轉爲  
姑孰也吾謂漢時郡之字從木縣之字從阜三國六朝  
則郡名縣名皆從木故三國志晉書皆謂縣曰小丹楊  
宋齊書地志皆然又二王法帖每言及丹楊尹皆是從  
木此謂郡也瘞鶴銘有丹楊仙尉此謂縣也今後漢三  
國志中有從阜者皆由校書者之誤耳惟隋唐之史凡  
言丹陽郡更不從木此似陳末北朝楊氏勢盛兼并有  
機陳氏惡以彼姓加之吾都改稱從阜暗避忌諱復無  
明詔史不得紀焉其後隋唐因之遂不復正而世或因  
以誤改前史此雖臆度似頗中情聊記於此以諗好古

者

古句容地北不及江臨江乃江乘地也隋裁江乘句容之北境遂及江涯矣故以北屬揚州也

高淳爲古溧陽縣地舊志並如此說取古史傳考之殆今縣城略當爲漢溧陽西地耳其西濱湖南接宣城乃古丹陽地也漢丹陽縣北包橫山南抱重湖左傳楚子重克鳩茲至於衡山劉昭注續漢志云丹陽縣之橫山去鳩茲不遠楚子重所至也今橫山在高淳北江寧溧水界中而小丹陽正在其西是古丹陽縣之北境也高淳西今尚有丹陽湖是丹陽縣南境也又漢書地理志

陵陽下注桑欽言淮水出東南北入大江按陵陽何從得淮水此必丹陽下注寫者以相近而誤耳元和郡縣志上元淮水出縣南華山在丹陽湖孰兩縣界按元和李吉甫

此丹陽非以曲阿地改之丹陽故曰廢

李吉甫

此條蓋采六朝舊說然則今世淮水上源在溧水者乃古丹陽縣之東境也元和郡縣志於溧水縣云隋開皇十一年宇文述割溧陽之西丹陽之東置此言最爲明晰分丹陽縣之東入溧水則西境必以入當塗而其小丹陽地又入江寧是其分晰之始矣唐志武德年於溧水言復析置丹陽又於當塗云貞觀年省丹陽入焉後

人遂執此爲丹陽地盡入當塗不知此特史志之疏漢縣地大旣不可全入溧水亦非全入當塗廢則分入兩縣復置則還之又廢則又分之斯理勢之必然者丹陽一縣唐志只載其入當塗猶隋志只載其入溧水皆遺其一半固史志不免疏耳逮明分溧水而爲高淳高淳東境則溧水所受古溧陽地也高淳西境則溧水所受古丹陽地也吳志注引江表傳陳瑀遣人持印傳與丹陽宣城涇陵陽始安黟歙諸險縣大帥按高淳南接宣城廣德山壑深鉅故古以與宣城等並爲險縣矣自魏晉有督軍將帥之職也有刺史治民之職也督軍

有帶刺史者亦有不帶刺史者唐命督軍者在唐初爲大都督中葉以後歸於節度使非行營之節度大抵帶刺史矣德宗時置鎮海軍節度使盡統浙東西道以潤州刺史帶之唐季鎮海軍節度使以命錢氏居浙西而昇潤間之軍楊氏亦稱鎮海於是鎮海軍有二此皆統軍職事而以刺史兼之者也至宋奪方鎮權無節度使其有者乃是立虛名食厚祿以爲寵非有軍營之實然沿唐舊名非治民之職也昇州宋初并無節度之名真宗將立仁宗爲太子時以昇州爲江寧府而建建康軍節度使之號非其地有建康名也至建炎之時改江寧

府曰建康府而後地與軍名同稱矣宋史地理志於此謂自昇州節度升爲建康軍節度使又曰至建炎復爲建康府語皆舛誤宋時俗稱軍鎮名固有混爲地名者而朝制自存軍地各事非升降之謂也其州下鈐轄之軍有卽爲地名可云自軍升州而非節度建鎮之軍也建炎建康是新改府名又非復舊蓋宋官制地制名稱淆雜後人是致瞽亂元人修史者復不能詳考沿革之故耳今表內於鎮海建康軍皆不載者用歐陽公所云唐有方鎮史不錄於地志之書義也

明太祖省烏江入和州後分六合和滁州地置江浦縣

然江浦實得烏江故地爲多宋書孝武大明七年校獵  
烏江登烏江六合山六合山卽今江浦之定山其證一  
也宋太平寰宇記和州東北四十里爲烏江縣縣東北  
八十一里爲安陽渡與上元縣對界計其里數正是今  
之浦口其證二也夫江浦之爲縣其地分於古縣者固  
有二三然而得烏江爲多其縣治正在古烏江之境則  
論沿革當舉烏江而上遡爲歷陽近志書言江浦分六  
合置者爲舉小而遺大矣



新修江寧府志卷之五

紀年事表

史家立表以包括古今次其年月簡而不漏最爲編載之要若一郡之表事僅係於一郡與國史異矣而江寧則於古屢爲帝都所有事變實多固殊於他郡也若宋景定志表則繁冗無表體又託始於周江寧於周秦事甚略其可見者已具沿革今斷自三國孫吳始作事表

吳漢獻帝建安二年孫策始封吳侯

十六年孫權徙治秣陵明年城石頭改秣陵爲建業

大帝權黃龍元年遷都建業

赤烏八年陳勳鑿破岡作邸閣

十年改作太初宮

十三年廢太子和處故鄣立子亮爲太子作棠邑涂塘

太元二年薨葬蔣陵

廢帝亮太平二年孫琳廢帝爲會稽王迎立景帝

景帝永安五年立子暈爲皇太子

六年建業石頭小城火燒西南一百八十丈

七年帝崩濮陽興張布言於朱太后廢暈立皓

後主皓甘露元年殺朱太后於苑中十一月徙都武昌以丁固諸葛

靚鎮建業

寶鼎元年自武昌還建業

二年起昭明宮

建衡三年載太后後宮自牛渚陸道西上呼云青蓋入洛陽遇雪始

返

天紀四年晉王濬以舟師至建業皓降晉琅邪王伯入屯太初宮收

圖籍府庫

晉

武帝太康元年平吳改建業爲秣陵

二年分秣陵北爲建業改業爲鄴

三年分建鄴置江寧

十年吳敬王宴受封食丹楊吳興並吳三郡丹楊設立內史

惠帝太安二年張昌反遣其將石冰攻破揚州

永興二年陳敏克石冰遂據江東反顧榮等密圖斬之

懷帝永嘉元年以琅邪王睿都督揚州江南諸軍事假節鎮建業

孝愍帝建興元年改建業爲建康

元帝建武元年愍帝詔使居攝乃卽晉王位備百官立宗廟社稷於

建康

太興元年改丹楊內史爲丹楊尹

二年立郊邱於建康之已地

三年立懷德縣以處琅邪國人

永昌元年王敦舉兵武昌反入石頭城不朝帝返閩月帝崩葬建平

陵

明帝太寧二年王敦舉兵自姑熟至溫嶠等敗其軍敦憤惋死  
三年帝崩葬武平陵

成帝咸和二年豫州刺史祖約歷陽太守蘇峻反入姑熟屠於湖下  
臺等拒戰於冶城死之峻逼遷天子於石頭城

四年帝在石頭匡術以苑城歸順峻子碩攻臺城焚太極東堂秘閣  
皆盡溫嶠等議欲遷都王導不可乃止

五年造新宮始繕苑城

八年始於覆舟山南立北郊

咸康元年石季龍入寇帝觀兵廣莫門

三年詔立太學於淮水南

六年復琅邪北漢豐沛

七年實編戶王公以下皆土斷白籍

八年崩葬興平陵

海西公太和六年桓溫詣闕廢帝迎立會稽王昱是爲簡文帝  
簡文帝葬高平陵

孝武帝寧康元年除丹楊竹格等四航稅

太元三年作新宮

八年謝幼度破秦師於淮淝衛將軍謝安勞還師於金城

十年苻堅爲慕容沖姚萇所逼請救太保謝安救秦帝於西池餞安安病歸八月薨

十七年新作東宮

二十一年造清暑殿新作永安宮九月帝崩於清暑殿葬隆平陵  
安帝隆安二年兗州刺史王恭反其前鋒劉牢之降迎擊恭破之  
五年妖賊孫恩反至建業豫州刺史譙王尚之等擊走之

元興元年荊州刺史桓元反命驃騎大將軍元顯討桓元王師敗桓元殺元顯

二年桓元篡位僭國號楚改元永始遷帝於尋陽降爲平固王

三年帝在尋陽劉裕起兵破桓元兵於江乘又破於覆舟山元走裕乃具百官置留臺是年濟水入石頭敗舟萬計漂殺甚多江左頗有濟患未有若斯之甚

義熙元年乘輿反正

六年廣州刺史盧循反襲建康京師戒嚴築藥園租浦廷尉三壘  
九年罷臨沂湖孰皇后脂澤田以賜貧人

十年城東府

十四年帝崩葬休平陵

恭帝元熙元年劉裕廢帝爲零陵王宮於故秣陵宋永安二年被殺  
葬沖平陵

宋

武帝永安元年卽位詔舊郡縣以北爲名者悉除之寓立於南者聽  
以南爲號

三年崩葬建康縣蔣山初寧陵

少帝景平二年徐羨之傅亮等廢帝爲營陽王迎立宜都王義隆是  
爲文帝六月徐羨之使邢安泰殺帝於金昌亭

文帝元嘉十四年鳳凰見於都下改其地曰鳳凰里

十五年立儒學館於北郊作東宮

十六年立元素學史學文學江左風俗於斯爲美

二十二年築北隄立元武湖於樂游苑北興景陽山於華林園  
二十五年新作閭闔廣莫二門改先廣莫曰承明開陽曰津陽  
二十七年魏太武帝窺江至瓜步

三十年元凶劼弒逆崩於於合殿葬長寧陵

孝武帝元嘉三十年起兵討逆劼帝至新亭衆推卽位改新亭曰中  
興亭二囚及同逆並伏誅

孝建元年南郡王義宣反伏誅詔開建仲尼廟起正光殿

大明元年改景陽樓曰慶雲樓清暑殿曰嘉禾殿芳香琴堂曰連理  
堂建康秣陵二縣各置都官從事一人司水火劫盜

三年以揚州所統六郡爲王畿以東揚州爲揚州於元武湖北立上  
林苑移南郊壇於牛頭山以正陽位立皇后蠶官於西郊

五年起明堂於國學南丙己之地初立馳道自閭闔門至朱雀門又  
自承明門至元武湖

六年新作大航門置凌室於覆舟山修藏冰之禮詔上林苑內士庶  
邱墓欲還合葬者勿禁

七年於元武湖大閱水師二月校獵於烏江登六合山十一月祀梁山  
山大閱水師於中江十二月於博望梁山立雙闕

八年崩葬秣陵縣巖山景寧陵

前廢帝卽位以王畿諸郡爲揚州以揚州爲東揚郡罷南北馳道  
永光元年以石頭城爲長樂宮東府城爲未央宮北邸爲建章宮南  
第爲長楊宮毀殷貴妃新安寺十一月湘東王彧等使壽寂之等弑  
帝葬秣陵縣南郊壇西

明帝泰豫元年崩葬臨沂縣莫府山高寧陵

後廢帝元徽元年桂陽王休範反蕭道成出頓新亭討斬之

五年王敬則等陰結楊玉夫弑帝葬秣陵縣南郊壇西蕭道成以太  
后令貶帝爲蒼梧王迎立順帝

順帝昇明元年沈攸之舉兵袁粲據石頭城謀誅蕭道成不果而死  
三年蕭道成廢帝爲汝陰王居丹徒宮齊建元元年監人弑王而以  
疾赴葬遂寧陵

齊高帝建元元年卽位



二年立六門都精

四年崩

武帝以宋元嘉二十七年生於青溪宮齊國建爲世子以石頭爲世  
子宮建元四年卽位立河南王長懋爲太子是爲文惠太子

永明元年築青溪舊宮作新婁湖苑

五年幸芳林園禊宴初起新林苑先是立商飈館於孫陵岡世呼九  
日臺至是幸焉

六年幸琅邪城講武

九年幸琅邪城講武觀者傾都普賜酒肉

十一年皇太子薨立皇孫昭業爲皇太孫七月帝崩葬景安陵

廢帝鬱林王武帝崩帝以太孫卽位隆昌元年西昌侯鸞以太后令  
廢帝爲鬱林王蕭詵等弑之迎立海陵王昭文

廢帝海陵王立宣城王鸞輔政尋以太后令廢帝爲海陵王使宣城  
王入纂皇統十一月王有疾遣御師殞之先是武帝立禪靈寺於都

下當時以爲壯觀識者謂鼎業遷移之象

明帝卽位罷武帝所起新林苑以地還百姓廢文惠太子所起東田斥賣之

永泰元年王敬則反伏誅巫覡云後湖水頭經過宮內致帝疾帝決意塞之欲南引淮流會崩事寢葬興安陵

東昏永元元年淮水變赤如血都下大水死者甚衆始安王遙光據東府反陳顯達反至都

二年崔慧景反入建業雍州刺史蕭衍舉兵反

三年龍闕於建康淮激水五里九月蕭衍兵至南豫州李居士以新亭降徐元瑜以東府城降十二月王珍國張稷率兵入弑帝宜德太后令追封爲東昏侯立和帝

帝以闕武堂爲芳樂苑又於苑中立店肆模大市置射雉場二百十六處置屏除長圍道路隔絕殿內火燒瘡儀十餘殿北至華林園西至秘閣三千餘間起芳樂等七殿又別爲潘妃神仙玉壽永壽三殿剝取諸寺塔寶珎以爲飾

和帝中興二年梁受命奉帝爲巴陵王宮於姑孰戊辰梁遣鄭伯禽

祇之追尊爲和帝

梁武帝宋孝武大明元年帝生於秣陵縣同夏里三橋宅東昏旣誅帝入鎮殿內是日鳳皇集建業命焚東昏淫奢異服六十二種於都街天監四年立建興苑於秣陵建興里詔立孔子廟置建康三官號南獄廷尉三官爲北獄置集雅館作東宮

六年有三象入建業改闕武堂爲德陽堂聽訟堂爲儀賢堂

七年作神龍仁虎闕於端門大司馬門外新作國門於越城南

九年新作綠淮塘起後渚籬門迄三橋幸國子學試胄子

十年初作宮城門三重樓及開二道

十二年新作太極殿爲十三間以從閏數

普通二年置孤獨園改作南北郊火延燒後宮屋三千間

大通元年初帝崩同泰寺至是開大通門以對寺之南門幸寺捨身

中大通元年都下疫帝於重雲殿爲百姓設救苦齋

大同元年幸同泰寺捨身鑄十方銀像

二年都下地震生白毛長二尺

三年幸同泰寺捨身鑄十方金銅像幸阿育王寺設無礙法喜食  
七年於官城西立士林館

太清元年帝捨身光嚴重雲二殿游仙化生皆震動三日乃止

二年侯景反至建業陷東府城

三年陷官城帝崩於淨居殿葬修陵帝於鍾山造大愛敬寺青溪邊  
造智度寺又修飾國學增廣生員立五經博士

簡文帝太寶元年侯景逼帝幸西州曲宴

二年幽帝於永福省

元帝承聖元年王僧辨等乘潮入淮進至禪靈寺前侯景塞淮口緣  
淮作城自石頭至朱雀街十餘里陳霸先於石頭西落星山築柵連  
八城景亦於石頭東北築五城

二年王僧辨鎮建康有齊師移鎮姑孰旋還建康

敬帝紹泰元年王僧辨納貞陽侯淵明入建康陳霸先使侯安都襲  
石頭殺僧辨父子徐嗣徽襲建康入據石頭北齊遣兵據姑孰又於  
胡墅渡米及馬以應之侯安都襲胡墅霸先立柵於台城

太平元年徐嗣徽合兵十萬向梁山齊兵至秣陵故城跨淮立柵自方山進及兒塘潛至鍾山龍尾趨其府山又至元武湖陳霸先屯樂游苑東及覆舟山北縱兵大戰齊師潰江乘攝山鍾山諸軍相次克捷生擒徐嗣徽

二年遜位於陳陳奉爲江陰王薨於外邸

陳武帝永定元年幸鍾山祠蔣帝詔出佛牙於杜姥宅

二年營太極殿有樟木流洎陶家後渚

三年崩葬萬安陵

文帝天嘉元年迎葬梁元帝於江寧詔逐食流移者不問僑舊悉令著籍同土斷之法以建安等八郡置東揚州

五年罷南丹陽郡城西城

天康元年崩葬永寧陵

宣帝大建四年詔自梁亂離東宮焚燼太子居永福省可擬築東宮五年齊秦州瓜步胡墅等城降

七年焚陳桃根所上織成文錦被於雲龍神虎門幸樂游苑采甘露

寔羣臣詔於苑內龍舟山作甘露亭

十年立方盟壇於婁湖立建興郡領建安同夏烏江江乘臨沂湖熟六縣屬揚州

十四年始興王叔陵據東府反帝崩葬顯寧陵

後主至德二年於光照殿前起臨春結綺望仙三閣

祥明二年有羣鼠無數自蔡州岸入石頭渡淮至於青塘大風激濤水入石頭建業城無故自壞青龍出建陽井起齊雲觀隋大作戰舡投木柿於江

三年隋總管賀若弼自廣陵北道濟京口陷南徐州進據鍾山白土岡至樂游苑韓禽虎自南道橫江濟采石陷南豫州至新林石子岡任忠引從朱雀桁趨南掖門而入帝自投於井隋晉王廣自六合桃葉山濟江入據京城命斬張貴妃賜於中橋

隋文帝開皇九年平陳詔建康城邑並平蕩耕懇於石頭置蔣州江左自東晉以來刑法疏緩至是盡更變之

十年蘇威作五教百姓怨之陳之故境皆反楊素平之廢丹陽郡併

秣陵同夏建康三縣入江寧

煬帝大業初置丹陽郡

十三年起宮丹陽將遜於江左

唐高祖武德二年置揚州東南道行臺尚書省

三年以江寧溧水二縣置揚州析置丹陽溧陽安業三縣更江寧曰歸化以句容延陵二縣置茅州以杜伏威爲使持節總管江淮以南諸軍事揚州刺史輔公祏克丹陽進屯溧水平李子通杜伏威徙居丹陽

六年以延陵句容復隸揚州更歸化曰金陵輔公祏據石頭反

七年趙郡王孝恭平公祏更揚州爲蔣州廢行臺

九年廢都督更金陵爲白下以延陵句容隸潤州以溧水溧陽丹陽隸宣州

太宗貞觀七年更白下縣曰江寧縣

肅宗至德元載封顏真卿丹陽縣子

二載以江寧縣置江寧郡以高適鎮江東密圖永王璿

乾元元年改江寧郡爲昇州置浙江西道節度兼江寧軍使治昇州  
後徙治蘇州

二年顏真卿拜浙西節度使徙浙西觀察使治宣州罷領昇州

上元元年劉展反襲下蜀李岷潰遂陷昇州更置上元縣

寶應元年廢昇州

德宗建中元年分浙江觀察使爲東西二道

二年合二道觀察置節度尋號鎮海軍節度使

四年節度使韓泐築石頭城修塢壁起建業迄京峴

憲宗元和二年鎮海節度使李錡反治石頭城

僖宗光啓三年復以上元句容溧水深陽四縣置昇州

昭宗景福元年楊行密有國於淮南並據金陵

天福二年封行密爲吳王

三年田頵襲昇州刺史李神福

宣帝唐天祐六年徐溫領昇州刺史雷廣陵使知誥爲昇州防遏使

吳楊  
往治之



十一年知誥城昇州廣金陵舊城二十里

十四年城成溫徙鎮海節度使治於昇州

睿帝順義元年改昇州大都督府爲金陵府建紫極宮於台城故址  
太和五年徐知誥營宮城於金陵欲徙帝都金陵不果遷

天祚元年知誥進封齊王

二年置百官以金陵府爲西都

三年建齊國立宗廟社稷改金陵曰江寧府

唐南

烈祖昇元二年廣濟倉災焚米三十萬石改吳興閭曰昇元閣瓦官  
寺曰昇元寺

元宗保大十一年金陵大火逾月焚廬舍營署殆盡夏六月至秋月  
不雨淮流可涉

十五年都下大火

交泰元年去帝號稱江南國主用周顯德年號

周顯德六年命修城隍治要害爲子孫計乃城金陵增戍兵

後主宋建隆二年元宗南遷帝畱金陵監國

宋開寶三年命境內崇修佛寺

八年宋遣曹彬曹翰潘美伐江南用樊若水策作浮梁渡采石金陵城陷吳越兵焚昇元閣避難婦女諸將置酒作樂樂人大痛殺而瘞之名樂官山

宋太祖開寶八年平江南以江寧府爲昇州

太宗淳化五年置上元縣淳化鎮

真宗景德元年改陶吳鋪爲金陵鎮

三年置秣陵鎮於江寧縣

大中祥符元年於茅山池中獲龍

天禧元年改長干寺曰天禧寺置常寧鎮於句容縣

二年以昇州爲江寧府治上元江寧二縣皇子封昇王

仁宗天聖五年鑿義井於天禧寺側

嘉祐四年以吳宿言昇爲始封之地進爲大國無得封從之程顥爲上元主簿多及民之政

英宗治平四年王安石知江寧府旋召入

神宗熙寧五年分京東武衛軍權駐泊江寧府

九年王安石罷判府事尋爲集禧觀使

元豐七年王安石請以所居宅捨爲寺賜額報寧

徽宗大觀元年御筆以江寧險固足守改江寧府爲帥府

高宗建炎元年李綱議以建康爲東都葺城池宮室沿江置帥府以備控扼

二年葉適請上南渡

三年上發臨安如建康駐蹕神霄宮御筆改江寧府爲建康府太子薨殯於鐵塔寺上如浙畱杜充領行營

金人寇烏江杜充閉門不出金由馬家渡渡江陷建康通判楊邦乂不屈金人剖腹取其心

四年金人焚掠建康欲自靖安渡宣化而去岳飛敗之於靖安伏於牛頭山兀术次龍灣飛破之於新城韓世忠扼兀术於黃天蕩或敘於台城西南隅鑿大渠十餘里接江口出世忠之上世忠尾擊敗之紹興二年詔韓世忠措置江南北岸屯田沿江修守備

六年張浚請幸建康劉猷欲犯建康楊沂中敗之於蕩塘

七年岳飛扈駕至建康時東南所恃韓張岳三軍建康張氏部曲所  
在

八年上復幸浙西葉夢得爲畱守因舊址新府學面秦淮

十一年兀朮窺江張劉諸將敗之命淮西江東軍馬錢糧移置於建  
康

十六年頒御書石經於府學

二十五年秦檜封建康郡王

三十一年金人敗盟諸將敗之

三十二年修築建康城張浚判府事

孝宗隆慶元年張孝祥奏通青溪水口入江汪澈請修築建康城

三年史正志總舟師

四年史正志以蔡寬夫宅基創貢院

淳熙三年劉珙重修府學立明道先生祠

十三年移矢石水軍二千五百人屯靖安鎮

光宗紹熙元年廂禁軍舊營皆茅廬章森易瓦屋數千間始不與民居雜

寧宗慶元元年重修北門親兵寨千二百八十七楹

六年郡人朱舜庸編金陵事迹二十餘年始成至是獻之遂修爲續志

嘉泰二年吳琚乞免句容和買綿絹

開禧三年葉適措置屯田并沿江堡塢團結淮西山水寨四十七處嘉定五年作晉元帝廟祀王導而下三十六人

八年劉槃建明道先生祠江東旱蝗運使真德秀開東門外新河因役以飽飢民立范忠宣祠於漕司創置唐灣水軍二千五百人創漕司貢院於青溪之西

十年李珣開浚行宮後古珍珠河

十四年併唐灣靖安兩水軍爲一軍

理宗紹定二年增收後湖田租遂爲額

淳祐五年立策勝六軍右軍中軍屯駐建康

七年募立精銳軍

寶祐四年馬光祖勦游擊將軍寨屋三千餘間於武定橋東  
五年重建府治賜忠實不欺之堂額

開慶元年創游擊新軍寨屋三千餘間於西門內

景定元年浚城濠四千七百六十五丈創柵寨門浚青溪創新府城  
內外亭臺祠館數十處

三年姚希德創建蜀三神祠於青溪側

四年建洞神宮於三神祠左

度宗咸淳三年重建貢院於青溪之南

恭帝德祐元年元巴廷入建康都統翁福出迎起趙淮戍銀樹東壩

元世祖至元二十一年立江淮行樞密院治建康二月徙江淮行省於

杭州

二十二年徙行樞密院於建康

二十三年徙杭州行御史臺於建康

二十八年改按察司爲肅政廉訪使

成宗元貞元年詔易江南諸路天慶觀爲元妙觀毀所奉宋太祖神主

大德二年罷建康金銀銅冶轉運司

八年徙建康道廉訪使於寧國其建康路簿書命監察御史鉤考武宗至大二年封綽和爾爲句容郡王

明宗天歷二年改潛邸所幸諸路名建康曰集慶命改集慶潛邸建大龍翔集慶寺

順帝至元元年罷江淮總管府所管集慶等處提舉司

至正十四年大兵平六合朱國珍自滁救之與耿再成守瓦梁壘十五年滁州兵拔采石取太平使張天祐攻集慶路不克徐達自太平進克溧水陳夢先屯板橋兵敗死之其子兆先復集兵屯方山十六年太平兵取集慶路御史大夫福壽坐鳳皇臺下督兵拒戰死之於是建國號曰吳稱吳公改集慶路爲應天府建康軍吳公以御史臺爲府張士誠攻鎮江吳徐達與戰於龍潭敗之

十九年陳友諒攻建康吳公親總大兵於盧龍山破之

二十四年吳公進位稱吳王建百官繪塑功臣像於下壺及蔣子文廟

二十五年以集慶路學爲國子監

二十六年杖張士誠於竹橋縊殺之明改築應天城作新宮鍾山之陽置江南行中書省治應天府

明太祖以至正二十七年爲吳元年建廟社宮室

以至正二十八年爲洪武元年以應天爲南京初建國號意在大中既而祈天乃定曰明

二年令府縣立學降溧水州爲縣建新城立十廟於雞鳴山後又增功臣廟爲十一後又增四廟

四年築浦子口城

九年析置江浦縣

十一年改南京爲京師改大都督府爲五軍都督府

二十三年以揚州之六合縣屬應天府

三十年命工部建馬草場於六合



三十一年崩葬孝陵

恭閱帝建文四年燕王反兵至六合己丑燕兵犯金川門都城陷帝不知所終

成祖既克京師以建文四年爲洪武三十五年明年爲永樂元年分命諸將守城還駐龍江

永樂元年設溧水廣通鎮開

四年狩北京以皇太子監國大小庶務悉以委之府部大小諸臣六軍按堵如故

十七年皇太子歸青宮以皇太孫畱守南京六部政悉移而北

十八年行在六部落行在字諸九卿大小省署之畱者皆稱南京

二十二年皇太子卽位是爲仁宗

仁宗洪熙元年始設南京守備命皇太子謁孝陵遂命居守南京叵何晏駕皇太子來自南都卽位是爲宣宗始制詔太監鄭和等稱內守備駙馬都尉沐琮襄城伯李隆等稱外守備

孝宗宏治四年置高淳縣

武宗正德十四年自將擊宸濠幸南京

十五年正月謁孝陵於南京備諸劇戲六月幸牛首宿焉八月受江西俘旋蹕發龍江漁於江口

國朝順治元年是年三月流寇陷京師明帝崩五月江南迎立福王卽位

於南京號宏光元年

順治二年 豫王下江南明忻城伯趙之龍及軍民人等投誠執福藩江南平改南京爲江南省應天府爲江寧府改府尹爲知府治中爲同知設立經略招撫內院大學士是年開科江南省在江寧鄉試自是鄉試定爲子午卯酉年遣內官正副二員陵戶四十名看守明孝陵

三年丙戌再行鄉試

四年改經略招撫爲總督轄江南江西河南三省

六年建駐防城改總督轄江南江西二省

八年改國子監爲江寧府學

十六年海寇鄭成功犯江寧梁化鳳平之改神策門爲得勝門

十七年重建駐防城起太平門東至通濟門東止

康熙元年裁操江都御史歸並總督兼管

三年改總督專轄江南一省

二十一年復改總督轄江南江西二省

二十三年

南巡至於上元以將軍府爲行宮越日

躬祭明太祖陵

登觀象臺望元武湖

賜題曠觀二字

駐蹕大教場受臣民朝見

二十六年十一月

恩旨蠲二十七年應徵地丁各項錢糧及二十六年未完錢糧江寧與焉

二十八年

南巡至於上元以織造府爲行宮允督臣傅臘塔奏免房稅

三十年十二月

恩旨蠲茂運漕米以次逐省各蠲免一年江寧與焉

三十八年

南巡至於上元以織造府爲行宮三日

恩旨蠲江蘇安徽巡撫所屬舊欠帶徵錢糧及三十四五六年一應帶徵錢糧

雜稅俱著豁免

四十二年

南巡至於上元以織造府爲行宮

遣皇太子祭明太祖陵頒

御書治隆唐宋四字額陞賞各官有差資貧民

四十四年

南巡至於上元以織造府爲行宮

遣皇太子祭明太祖陵三月十八日

萬壽士民恭進

御饌

命翰林學士揆敘試士子於秦淮棘院各賦詩一章取士錢榮世等五人

頒接統濂溪額於明道書院

賜原任工部尚書熊一瀟訓忠堂額

四十六年

南巡至於上元以織造府爲行宮

御書朱子詩

賜上元縣知縣趙聯捷

賜耆老帛肉有差十一月

恩旨蠲江南浙江通省地丁錢糧

五十一年

特旨將天下地丁錢糧自五十年爲始三年之內全免一週除將直隸奉天浙

江福建廣東廣西四川雲南貴州及山西河南陝甘兩湖各直省五

十年五十一年地丁錢糧一槩蠲免歷年舊欠錢糧一併免征外所

有江寧安徽山東山西各撫屬除漕項外五十二年應徵地畝銀俱

著察明全免

五十六年

恩旨蠲免直隸安徽八處帶徵地丁屯衛其漕項雖例不准免亦著破格施恩

將安徽江蘇所屬帶徵漕項銀及米豆蠲免各半

雍正元年

恩蠲江蘇等屬蘆課銀江寧與焉

十一年緩徵江蘇被水州縣江寧與焉

十二年截漕起運漕糧二十萬石於被水州縣平糶緩徵應徵新舊

欠銀及南漕等米江寧與焉

十三年九月

高宗純皇帝御極

諭各省民欠錢糧已於恩詔內概免茲特再行降旨於恩詔外將雍正十二年

以前無論官侵吏蝕亦著照民欠例寬免

乾隆元年六月

諭酌免江南江西被水鄉村本年額賦江寧與焉

十年六月

恩旨將丙寅年直省應徵錢糧通行豁免江寧與焉士民於庚午年九月建亭

於聚寶門外雨花臺上恭紀

十六年恭奉

皇太后鑾輿南巡三月

駐蹕江寧

謁明太祖陵

恩免元年至十三年止江蘇積欠地丁錢糧

召試士子於鍾山書院

閱兵於小營

賜鍾山書院及蘇州之紫陽書院杭州之敷文書院

武英殿所刊十三經廿

一史一部

二十二年恭奉

皇太后鑾輿南巡二月

駐蹕江寧

閱武於小營

泛舟後湖

召試士子於鍾山書院加賑江南被災州縣著將江南省乾隆十年以前積欠

漕項銀米及地丁耗羨一概豁免

旨前諭江浙兩省各截漕五萬石以備平糶數恐不足著再截留五萬石分貯

平糶

二十六年恭奉

皇太后七旬萬壽因江南被災奉

旨改於明年二十七年恭奉

皇太后鑾輿南巡截留江浙兩省冬兌漕糧十萬石分廠平糶

二十七年三月

駐蹕江寧

謁明太祖陵

闕武於小營加賑去年被災州縣著將江蘇安徽浙江三省自乾隆二十二年

起至二十六年止所有節年災田緩徵及未完地丁概予蠲免將

江蘇安徽浙江三省本年應試文童大學增取五名中學四名小學



三名

召試士子於鍾山書院

二十九年奉

旨明年恭奉

皇太后鑾輿南巡著照從前之例於江浙二省冬兌漕糧內截留十萬石在於  
駐蹕地方平糶

三十年三月

駐蹕江寧

謁明太祖陵

閱武於小營

幸靈谷寺

御製金陵詠古諸詩

召試士子於鍾山書院

蠲免江蘇安徽乾隆二十五年以前因災未完蠲剩河驛俸工等款並二十六

七八三年因災未完地丁以及二十八年以前因災未完漕項

三十五年恭逢

皇太后八旬萬壽

特恩將天下錢糧普行蠲免江寧與壽

四十一年

恩旨將句容江浦等十八州縣三十九年分被災緩漕於四十二年帶徵

四十二年

恩旨自戊戌年爲始普蠲天下錢糧仍分三年輸免江蘇等八省於戊戌年全

行蠲免

四十五年恭逢

七旬萬壽降旨允江浙督撫所請南巡著照從前之例於兩省冬兌漕糧內截

留十萬石在於駐蹕地方平糶三月

駐蹕江寧

祭明太祖陵

召試士子於鍾山書院

恩旨著於庚子年爲始復行普免天下漕糧一次江寧與焉便民河成

上由此旋蹕復至棲霞

四十九年

南巡降旨著照從前之例於江浙兩省冬兌漕糧內各截留十萬石豫備平糶  
上元句容丹徒三縣因上年被災加賑兩月三月

駐蹕江寧

祭明陵

召試士子於鍾山書院將江寧藩司所屬積欠地丁漕項等款未完銀漕糧等  
款未完米豆俱著全行豁免

加賞江南浙江二省老民老婦 著將江南之江寧蘇州浙江之杭州附郭諸

縣本年應徵地丁錢糧概予豁免

五十二年將江寧府屬之江寧上元江浦三縣被災卹莊俱著酌借  
籽種口糧

五十六年緩徵江寧等五府州自四十八年起至五十四年止因災  
積欠銀米分作四年帶徵

五十九年九月

恩旨普免六十年應徵銀糧一次江寧與焉

新修江寧府志卷之六

山水上

志山水者豈徒以誇名勝供詠遊哉郡國之形勢在焉  
古今之事蹟徵焉而虛華俶詭辭非典實者無足言也  
提要於上分釋於下其舊說有訛者稍辨正之山以縣  
分水則大者做水經之體而小者如山例焉作山水志  
鍾山在上元東北朝陽門外其周迴六十里其高一

百五十八丈一名金陵山

元和郡縣志引輿地志蔣山古金陵山也邑之名因此而立

一名蔣山

元和志吳大帝時蔣子文發神異於此封子文爲蔣侯改山曰蔣山景定建康志吳大帝

祖諱鍾因改曰蔣山按宋書符瑞志孫堅之祖名鍾家在吳郡富春非大帝祖也

一名紫金山

建康志庾闡揚都賦注云元皇帝渡江之年望氣者云

蔣山上有紫氣時時晨見陳沂金陵世紀揚都賦云時

有紫氣名紫金山按建康志雖引庾賦而不言山名紫

金紫金蓋後世俗稱至明代人乃爲此說庾賦豈明人

所能一名神烈山應天府志嘉靖中詔改山兩峯其北曰最高峯

建康志稱其峴曰栽松太平寰宇記蔣山本少林木晉

北高峯十株下至郡其巖曰太子曰楊梅見應天府志曰道卿建康志

守各有差焉歷中太守葉清臣嘗游鍾山之巖在八功德水其嶺曰

後半嶺間可容數人公宇道卿因名道卿巖

頭陀曰屏風應天府志曰桂嶺建康志在鍾山南明慶寺其

塢曰桃花曰道士應天府志卽陳宣曰茱萸金陵新志

陔中舊有茱萸園宋道其岡曰孫陵祥符江寧圖經吳

士陸靜修餽茱萸於此南麓亦曰孫陵晉咸和三年卞壹與蘇峻於孫陵敗績

卽此按南史齊武帝紀先是立商颯節於孫陵岡世呼

爲九曰白土南史魯廣達傳賀若弼進軍鍾山廣曰南

岡陳書蔡徵傳及決戰於鍾山曰獨龍見應天府志按

至麒麟門有岡其水曰八功德水後應天府志引舊志

云一清二冷三香四柔五甘六淨七不饑八調疴又云

洪武間遷寺東麓舊池就澗從寺東馬鞍山下通出宜

德間水竭不到正統曰東澗石蓮古蹟編梁處士劉訐

元年久旱湧出如初曰玉澗建康志蔣帝廟側緣

聽講於鍾山諸寺因卜築曰玉澗建康志徐鉉詩鍾山

宋熙寺東澗有終焉之志曰玉澗建康志西有道光

祠畔宿煙晴玉澗橋邊碧樹春按曰一人泉建康志

今蔣帝廟前橋所架者即玉澗也建康志興國寺西有道光

有一人泉僅容一曰道光泉建康志興國寺西有道光

勺多挹之不竭曰應潮井西陽雜俎蔣山有

曰宋熙泉建康志宋熙泉曰應潮井應潮井在半山間

俗傳與江湖相應嘗有破船朽板自井中出貞觀中有

牧兒汲水得杉板上朱漆字曰吳赤烏二年豫章王子

驗之船石邁古蹟編應潮井在蔣山古頭陀寺後按此井當在今茅草凹地又按以上諸水惟一人泉在山巔至今猶在八功德水世言隨誌公塔東徙流出今靈谷寺後泉卽是也其餘經明太祖建城及陵形勢更變固多不可尋矣

其洞曰朱湖其溝曰霹靂

王安石有霹靂溝詩

其山之西北

麓曰龍尾

上元縣志

龍廣山一名龍尾按龍尾蓋山形迤下如尾者推史所說龍尾事皆在臺城之

北鍾山之東北齊書崔慧景傳竹塢人萬副兒善射獵能捕虎投慧景曰今平路皆爲臺軍所斷不可議進惟宜從蔣山龍尾上出其不意耳據此則龍尾乃北人南來由山而至城之路非既踰山而後至此也梁書敬帝紀齊潛軍至蔣山龍尾斜趨幕府山北至元武廟西北按陳書南史廟皆作湖然則龍尾當略在今又路口東故其塗如此豈得爲今龍廣山哉蓋舊志不悟龍廣卽雞籠故誤以龍尾當之而不察耳又胡三省通鑑注自山趾築道坡陀其相連有西山在朝陽門外東南五里孫陵岡西有石以登山曰龍尾

山在朝陽門外東北九里

有馬房山

在朝陽門外東北十二里地近明代驥驢羣附宋濂游鍾



山記鍾山一名金陵山歲辛丑二月癸卯子始與劉伯  
夏允中游日在辰出東門過半山報寧寺寺舒王故  
年謝公墩隱起其後西對培塿小工培塿蓋舒王病溼  
鑿渠通城河處南則陸靜修茶萸園齊文惠太子博望  
苑白煙涼草離離蕤蕤使人躊躇不忍去沿道多蒼松  
或如翠蓋斜偃或蟠身矯首如玉虬搏人或捷如山猿  
仲臂掬澗泉飲相傳其地少林木晉宋詔刺史郡守罷  
官者栽之遺種至今抵園悟關闕宋勤法師築太平興  
國寺在焉梁以前山有佛廬七十今皆廢唯寺爲盛近  
燬於兵外三門僅存適松花正開黃粉參獨人詩興  
于獨出行甬道間會章君三益至遂執手上翠微亭登  
玩珠峯峯獨龍阜也梁開善道場寶誌大士葬其下永  
定公主造浮圖五成覆之後人作殿四阿鑄銅貌大士  
寶浮圖浮圖或見五色寶光舊藏大士履神龍初鄭克  
俊取入長安殿東木末軒舒王所名俯瞰山足如井底  
出度第一山亭亭額米芾書亭左有名僧婁慧約塔塔  
上石其制若圓楹中斷爲方下刻二鬼擊之方上書曰  
梁古草堂法師之墓有扁匾法定爲梁人書復折而西  
入碑亭碑凡數輩中有張僧繇畫大士相李白贊顏真  
卿書世號三絕又東折度小澗澗前下定林院基舒王

嘗讀書於此院廢更創雪竹亭與李公麟寫舒王像洗  
現池亦皆廢又折北至入功德水天監中胡僧曇隱來  
棲山龍爲致此泉今巖作方池池上有圓通閣閣後卽  
屏風嶺碧石青林幽邃如畫前乃明慶寺故趾陳姚察  
受菩薩戒之所又東行至道卿巖道卿葉清臣字也嘗  
來此故名有僧宴坐巖下問之張日弗應時雉方杼粥  
聞人聲夏夏起巖草中從此至靜壇多威統先生遺跡  
復西折過桃花塢詢道光泉舒王所植松唯一泉紺碧  
沈沈如故日將夕章君上馬去子還廣慈明日甲辰子  
同二君遊崇禧院文皇潛邸時建從西廡下入永春園  
園雖小衆卉略具採栢爲麋鹿形毛方怒長翠濯濯可  
玩二君行倦解衣覆鹿上挂冠鼠梓間據石坐主僧全  
師具壺觴于不能酒謝二君出遊夏君愕曰山有虎近  
有僧采菴虎逐入舍僧闕焉虎爪其額額有痕可驗子  
勿畏往矣子意夏君給我挾兩駒奴登唯秀亭亭宜望  
遠惟秀永春皆文皇題榜塗以金又折而東路益險子  
更芒屨倚駒奴肩蹠蹠行息促甚張吻作鋸木聲倦極  
思休不問險淫蹠據頓地視燥平處不數尺兩足不隨  
久之又起行有二臺闕數十丈上可坐百人卽宋北郊  
壇祀四十四處問蔣陵及步夫人塚無知者或云在孫

陟岡至此屢欲返度其出已遠又力行登慢坡草叢布  
如種不生雜樹可憩思欲借衲褥臥不去坡古定林院  
基望山椒無五十弓不翅千里遠竭力躍數十步輒止  
氣定又復躍如是者六七徑至焉大江如玉帶橫圍三  
山礪白鷺洲皆可辨天闕芙蓉諸峯出沒雲際籠籠上  
下接落星澗澗水澎湃流元武湖已湮久三神山皆隨  
風雨幻去西望久之擊石爲浩歌歌已繼以感慨又久  
之傷厓尋一人泉泉出小竅中可飲一人繼以千百弗  
竭循泉西過黑龍潭潭大如盎有龍當可屠側有龍鬼  
廟頗陋由潭上行叢竹翳路左右手開竹身中行隨遇  
隨合忽腥風逆鼻羣鳥哇哇亂啼憶夏君有虎語心動  
急趨過似有逐後者又棘針鉤衣足數蹟咽唇焦甚幸  
至七佛庵庵蕭統講經之地有泉白乳色卽踞泉軒嚙  
衫袂落水中不暇救三嚙神明漸復庵後有太子崑一  
號昭明書臺方將入巖遊庵中僧出齋面有新瘕詢之  
卽向采菴者心益動遂舍巖問別徑以歸所謂蓮池定  
心石宋熙泉應潮井彈琴石落人池朱湖洞天皆不復  
搜覽還抵永春園見肴核滿地一髻童立花下問二客  
何在童云蓮公不來出壺中酒飲且賦詩大噱酒盡徑  
去矣予遂回廣慈二君出迎夏君日子顏色有異得無

有虎恐乎于笑而不荅劉君曰是矣于幸不葬虎腹乃就寢又明日乙巳上人出猶未歸欲遊草堂寺兩縣縣下意不住乃還

雞籠山在駐防城北卽鍾山之南麓也一曰龍山建康志宋

改名龍山以黑龍常見真武湖此山正臨湖上故名按宋書符瑞志元嘉二十六年五月丁丑黑龍見元武湖

戊戌黑龍見元武湖東北隈所云龍見指此然古之雞籠實卽鍾山南麓雖亦近湖而不得云臨湖上也建康

志謂覆舟亦名龍山古之覆舟正下臨今日龍廣山舊志

後湖矣此特彼山之改名而志語誤耳鍾山之支迤邐而南起者曰龍廣山按龍廣卽雞籠也

近世呼雞鳴寺所據山岡爲雞籠此竝非古之雞籠古雞籠正在鍾山南而今所稱龍廣山自香林寺後西接

太平門爲明代建城壓爲城址者皆是其山後倚鍾山

前而東田最爲山水勝處故雷次宗於此立學而晉元帝明帝諸陵皆建於此若如今雞鳴寺安有山水之勝且逼於臺城何處可建陵乎雞籠自明代築城了不可見故流俗因而妄指今江寧城南數十里亦有一山名

雞籠山自不妨隨處立名但六朝舊史所稱則非今所指之地耳

覆舟山在上元太平門外一曰元武山

建康志元嘉改名元武以其在

城之一曰龍舟山

陳書宣帝紀大建七年閏九月甘露

北也甘露宴羣臣詔於苑

今曰蒼山

按今世既呼雞鳴寺所據山岡爲雞籠山又指

其東北一阜瞰臨小教場者爲覆舟山此非古之覆舟也古覆舟山下臨後湖之水宋以其南爲樂游苑又於其北立堤西達宣武城以蓄湖水度其形勢今蔣廟之西蒼山下臨後湖者是也故宋文於此立曲水爲三月三日之宴宋武於此立凌室以藏冰若今所指之覆舟下臨平陸安得湖水哉桓元使桓謙屯東陵口使卞範之屯覆舟山西以拒義師蓋元不能定宋武之來或以鍾山之南道或行鍾山北道東陵口卽雞籠之下也以拒行南道者覆舟山西伏兵以待行北道者其後宋武從北道來故大戰於覆舟其云疑兵布滿山谷正當在今蔣廟左右耳若如今之覆舟烏有山谷其西已是臺城焉有伏兵如此近之理蓋覆舟已三易其名故後世

失其本真而與雞籠同妄指之矣

大壯觀山在上元太平門外

建康志陳宣帝起大壯觀於此山因以爲名按南史

陳宣帝紀大建十年帝幸大壯觀閱武又陳書南康愍王子方泰傳大建十一年八月高宗幸大壯觀因大閱武命都督任忠領步騎十萬陣於真武湖都督陳景領樓艦五百出於瓜步江高宗登元武門親宴羣臣以觀因幸樂遊苑設絲竹之會仍重幸大壯觀集衆軍振旅而還此山下臨後湖卽今湖北三塔寺所據之山也今俗但呼曰

三塔寺山

幕府山在上元神策門外

六朝事蹟引圖經丞相王導建幕府於此山因以爲名

俗曰北固山

按今俗又謠爲白骨山

有北固峯有夾蘿峯

縣志亦名翠蘿

有僊人臺

按近已坍塌

有虎跑泉有達摩洞

竝見舊志

其相連有

石灰山

應天府志壘多石居人煨以取灰更今名按石灰山特與幕府相連而實非一山

石灰

山古曰白石

晉書成帝紀咸和三年司徒王導奔於白石陶侃傳監軍部將李根建議請立白石

壘按白石當卽石灰山古白下因此而名其山正連幕

府故南史侯安都傳陳武帝與齊軍戰於幕府山安都

自白下橫擊其後一曰白山陳書韋載傳天嘉元年以

也詳下及沿革志疾去官載有田十餘頃在

江乘之白山至是遂築室而居屏絕人事建康志階礎

碑石及麒麟獅子以石爲之者悉出此山按白山亦正

今之石灰山其地在六朝屬江乘故齊書地志云琅邪

本治金城永明徙至白下蓋琅邪本割江乘以爲上雖

徙治而不離其境故載傳謂白山在江乘也其出碑礎

至今惟石灰山爲然而舊志乃以石灰當幕府而白山

反別爲一山其山側有武帳岡太平寰宇記引輿地志

焉其亦誤矣武於其地亦謂

爲武帝帳岡

太平寰宇記引南徐州記臨

落星山在上元神策門內

沂縣前有落星山吳大帝時

於西江山置三層樓以此名爲吳王游豫憩息地吳都

賦云饗戎旅手落星之樓後又有桂林苑苑與樓卽其

山水

所也王僧辯率陳霸先等於石頭城連營立柵於落星  
山賊大恐按此山在今神策門內唯心岡北今俗猶呼  
落星岡

祇閣山在上元神策門內

舊志山在雞籠山西舊有耆閣寺按耆閣寺在今神策門

內所稱山卽今紫竹林萬松林並城址所據岡阜是也此在前雖不以山名而寺則最古陳書後主紀樊毅屯耆閣寺南史蕭摩訶傳中領軍魯廣達陳兵白土岡居衆軍南鎮東大將軍任忠次之護軍將軍樊毅尚書孔範又次之摩訶軍最居後衆軍南北亘二十里首尾不相顧按今耆閣寺南去鍾山白土岡約十餘里正樊毅所屯之地矣

盧龍山在上元儀鳳門內今日獅子山

寰宇記引建康圖經晉元帝初

渡江北盡爲南寇所有以其山有三宿巖在今儀鳳連石頭開鑿爲固故以盧龍爲名有宿巖門外靜海寺中按此山古本臨江其下爲五馬渡經明祖築城包入城中在城外者惟是巖耳然去江已甚遠矣



四望山在上元定淮門內

寰宇記引徐州記臨江有四望山吳大帝嘗與仙者葛元

共登陟之吳志孫皓殺司市中郎將陳聲於四望山下其山迥可望四方以爲名元和郡縣志溫嶠伐蘇峻於四望山築壘以逼賊卽此按晉書溫嶠傳作四望磯又按舊府志以四望清涼爲一山其說非是清涼與四望中隔馬鞍石頭二山清涼古蓋屬石頭而與四望則非一山江南通志分爲二山是矣而今定淮門外實無內四望在定淮門外十里則又非也今定淮門外實無高山可望四方者彼意樂史引徐州記臨江有四望山謂此山必當在江畔不知六朝江形近在石頭故桓元等傳有江濤入城之事與今形固大異也其側

有棲賢山有彭庵山有磚岡有李家岡

此與四望正是一山而俗分此

馬鞍山在上元定淮清涼二門之內俗曰小匡廬有大

悲嶺

清涼山在上元清涼門內

按此山舊志以爲卽四望其說甚非而其名古無所見太

平寰宇記云石頭西南最高處有吳峯按此一帶之山自定淮門內四望磯下無加高於此山翠微亭處者所謂吳峯當卽此然則此山固卽石頭山矣宋人於此改建清涼廣惠寺至明人乃析爲二山而其實不在石頭之外

石頭山在上元江寧兩界處卽城之所據也有塘岡

建康

實錄晉元帝永昌元年王敦收周顛戴淵殺於石頭城東塘岡頽石上百姓冤之今記其處

有後岡

南史袁顛傳明帝忿顛違叛流尸於江弟子象收瘞於石頭後岡按後岡今靈應觀所據之山疑卽其地

有

駐馬坡 建康志諸葛亮嘗駐此以觀形勢

有蚶蛟磯 南唐

書汪台符上書陳民間利病十餘烈祖善之而宋齊邱疾其才因使親信誘台符痛飲推沈蚶蛟磯下按今早西門清涼門一路岡阜極多古稱名者當在其中而不能確指其處

冶城山在上元朝天宮後

陸游入蜀記稱天慶觀後爲

宮也詳右蹟志

有劔池

俗傳吳王鑄劔於此按此說殊不足據而至今池猶瀦水

小倉山在上元

疑卽石頭倉城地今爲袁氏園

紅土山卽謝公墩

詳古蹟志

欽天山在上元太平門內

舊府志明初於雞籠山巔置儀表以測象緯名觀象臺亦

名欽天山其東麓爲雞鳴寺按此山實非雞籠而在六朝名頗難考觀今雞鳴寺後猶存一段古城至今呼爲

臺城乃知此山在六朝特城地耳臺城之倚山於史固無明據然陳書南康愨王子方泰傳云命都督任忠領

步騎十萬陣於元武湖都督陳景領樓艦五百出於瓜

步江高宗登元武門親宴羣臣以觀元武門正當爲臺

城北門矣使是門不在山岡則爲山所蔽登之豈得見

後湖南史齊文惠太子傳開拓元圃與臺城北塹等其

高都然則臺城之北塹其高廣抑可知矣夫臺城之倚

斤參上

山

水

八

山殆猶石頭城故其地最爲險固隋之伐陳諸將乘勝至宮城燒北掖門而不得入亦以其城可守故耳自世誤以此爲雞籠山而顧起元客座贅語遂疑六朝宮城不得至此然則雞鳴寺後之古城果何物哉

直瀆山在上元觀音門

詳江水下

一曰觀音山

舊志直瀆山在上元北二

十里觀音山在上元觀音門外按直瀆山卽觀音門山直瀆卽觀音門水也觀音之名始見於明南畿應天兩志不應有大山濱江險峻如此而前世皆不言故知直瀆者古名而觀音者明世俗稱耳觀景定志論建康山水謂自臨沂山以至三山圍繞於其左自直瀆山以至石頭沂江而上屏蔽於其右今觀音山正江寧沿江初起處其爲直瀆復何疑而舊

志乃析而二之斯又誤也

建康志

山勢連縣類

一曰陽山

廣有遊

今日孔山

攝山在上元東北四十里

建康志引輿地志江乘縣西北有扈謙所居邨側有攝山

多藥草可以攝生因名焉一名繖山建康志蓋其一名棲霞山南史明僧

紹傳慶符罷任僧紹隨歸住江乘攝山又云遁還攝山建棲霞寺以居之按棲霞本寺名今俗以名山有

千佛嶺建康志山有千佛嶺按江總棲霞寺記明僧紹居士之子仲璋為臨沂令於西峯石壁與度禪

師鑄造無量壽佛大同四年龕頂放光齊文惠太子豫

章文獻王竟陵文宣王始安王及宋江夏王霍姬齊田

魯等球造石像梁臨川靖惠王復加瑩飾嶺有唐公巖

中道有沈傳師徐鉉張稚圭王雱等題名

有天開巖有中峯澗有品外泉有醒石有磬石並見建康志

其東巖之下有畫石山山有石穴曰花洞亦見建康志

雉亭山在上元太平門外四十里石邁古蹟編舊說齊武帝東游鍾山射雉

因以為名或云吳大帝時蔣帝神執白扇乘馬嘗見形於此故又呼騎亭山

湯山在上元城東六十里其東有湯泉建康志引張勃吳錄曰丹楊江

乘縣有湯山出湯泉三所宋劉義湯泉銘云秦都壯沮  
谷漢京麗湯泉英德資遠液暄波起斯源石蓮古蹟編  
雁門山北有湯泉去都七十里用以洗浴治瘡飲之已  
腸胃冷疾齊時有老沙門語彼邨人云此鑊湯之衝也  
大城山在上元城東六十里

青龍山在上元麒麟門東南

應天府志山產石材質甚良都人競取爲碑礎一

曰青山

南唐書後主獵青山戚光音釋引郡志曰青龍山按此則青龍亦名青山也

有蘼蕪

澗

金陵故事齊處士劉嶽居此爲儒林之宗至四十年未婚其友爲娶王氏乃就澗折蘼蕪而去

彭城山在上元城東南四十五里

明顧璘彭城山詩林深更隱彭城館寺古

猶傳謝

尚家

祈澤山在上元淳化鎮有龍池

建康志引舊經引初法師嘗結茅於此有龍女

來聽講旣而神泉湧於講座下遂爲祈禱水旱之所因  
此得名按今祈澤寺有龍池遇旱則取水附盛時黍纂

新羅志祈澤泉外有龍堂宋景平元年建寺梁置龍堂  
方池發以石級泉自龍口出雲日下射陰苔細藻迴文  
伏泡令環而坐者忘返焉又雙文杏在殿墀內傳爲初  
法師手植左則輪身枵腹枝葉隆茂右則柯槎土出龍  
拳虬攪反多偉觀云經雷燒故也南唐斷石舊埋毀角  
草莽擁翳鋤視其首云晉水齊雲山釋無名后云秦正  
之月元年與德謙及保大維新諸字今多殘缺又白野  
碑全深水興化寺住持伯元撰文中順大夫秘書卿秦  
不華書又墮雲峯喬司馬題名石上亂石哈呀若飛雲  
欲墮公遊寺見而書之字大如斗形勢甚偉石礪未鏘  
今己爲雨漑又檜徑寺前羣植可四十餘株前連平疇  
後映池水左右山環之客行其下時有實如翠珠者落  
衣上又桐林散植山上下寺內外官物也每歲秋太常  
寺命人取實又栗蓋在山雲館後大數圍蔭可一畝又  
貯香室因楮偵詩有硯池滿貯落花香取以名室又待  
月亭顧橫涇命名又仙人巖其石起伏狀如仙人座故  
名也又翻經坪寺後山廣可盈畝平若掌上  
流水痕環曲如鑿登則四山入望是山最佳處

張山在上元東南淳化鎮北

石邁古蹟編舊隸江乘縣  
建康志南史齊欽明皇后

墓江乘縣張山或云今城東北六十里章橋西又有張山亦古江乘縣境

丁山在上元東南四十里

符堅山在上元城東六十里

建康志引事蹟謝元破秦歸謝安在聖城問其方略

元於原野陳其營壘陣場次序指此山曰此若符堅駐軍之山也因以爲名

方山在上元東南四十五里一名天印山

建康志引丹陽記形如方

印故曰方山其南有青堆

建康志徐嗣徽兵至秣陵故治齊人跨淮立柵度兵夜望

方山嗣徽等列艦於青堆至於七磯以斷周文育歸路文育鼓譟而發嗣徽等不能制今方山南有青堆埠卽

其地其下有石壩石壩俗曰石碗山一曰竹山

建康志祥符圖經云

有大壘悉是石故名石碗或云碗亦作櫃每春夏水溢衆流滙此山橫據秦淮之上以櫃遏水勢輿地志云秦

始皇時望氣者云江東有天子氣乃東遊以厭之又鑿金陵以斷其勢今方山石碗是其所斷之處也案石碗

金陵以斷其勢今方山石碗是其所斷之處也案石碗



非山乃方山

淮水之流經其下焉

建康志秦始皇鑿金

其斷者故沈約郊居賦云聊遷情而徒睇識方阜於歸

津帶修篁於桂渚肇舉錡於強秦策江寧之水古名淮

水自唐以前未有呼曰秦淮者蓋唐時俗呼秦淮詩人

因以之入詩李吉甫元和郡縣志於此猶但稱淮水不

日秦淮至其源流百餘里所謂兩山之間必有一川者

天地自然之性也正流因乎地勢豈事鑿引而然哉三

國志張紘傳裴松之注引江表傳云紘謂孫權曰秣陵

楚武王所置本爲金陵地勢岡阜連石頭訪問故老云

昔秦始皇帝東巡會稽經此縣望氣者云金陵地形有  
王者都邑之氣故掘斷連岡改名秣陵後宋書符瑞志  
及唐修晉書皆沿秦鑿岡厭王氣之說按此說本民間  
誕詞其信否不足論卽如其說紘所指乃岡阜連石頭  
者宋符瑞志謂之鑿北岡然則其地卽今上元城北所  
謂北水關引後湖水入城者是也建康實錄云吳赤烏  
四年冬十一月詔鑿東渠名青溪通城北塹潮溝蓋因  
紘所云掘斷之蹟引之通流是爲潮溝齊書明帝有疾  
巫覡云後湖水頭經過宮內致帝疾帝欲塞之會崩事  
寢其後侯景引湖水灌臺城皆緣此掘斷處紘所謂秦

鑿也而太平寰宇記引輿地志云始皇巡會稽鑿斷山  
阜淮水卽所鑿亦名秦淮又引山謙之丹楊記秦始皇  
鑿金陵方山是其斷者近志皆沿之云秦掘斷處在方  
山按此水兩源一自溧水一自句容其合流必應經方  
山之西地勢固然豈關人鑿此水古但有淮名卽加秦  
亦當以秦鑿北岡導流下通此水謂之秦淮耳建康實  
錄云秦始皇三十七年東巡自江乘渡江望氣者云五  
百年後金陵有天子氣因鑿鍾阜斷金陵長隴以流今  
呼爲秦淮如其說只是下斷隴之水曰秦淮安能上及  
方山之側亦爲秦導乎丹楊記今不傳不知鑿方山之  
事果出此書否卽果出此要爲流俗妄說也又世說注  
引太康地記云秦始皇以雲陽有王氣鑿北坑山以敗  
其勢使其阿曲故曰曲阿是謂秦鑿  
處又在曲阿此皆妄談不足與辨也

土山在上元東四十里一名小東山

應天府志晉謝安嘗遊陟於此卽與

元園棋賭墅處建康志上元縣有兩東山一在崇禮鄉  
卽土山是也晉書謝安寓居會稽棲遲東山此安之舊  
隱也在會稽後於土山營築以擬東山今去縣二十里  
一在鍾山鄉蔣廟東北宋劉劭嘗經始鍾嶺以爲棲息

及造園宅名爲東山今去縣十五里

武岡山在上元城東二十五里

金陵志俗呼爲石佛子廟石蓮古蹟編山有石

佛十餘軀相傳唐武后造未詳鄉民歲時祈禱

一曰墓山

見金陵志

臨沂山在上元東北四十里

建康志西南有臨沂縣城

古曰獨石山

今日白常山

建康實錄注臨沂縣廢城在東江獨石山西臨大江江南通志今攝山之西白常山

地卽其

木廬山在上元東北二十里

衡陽山在上元東北四十五里

建康志東臨清塘西北有水下湖舊傳朗法師

嘗在此有衡陽神女忽來聽講遂爲此神因名其山曰衡陽今鍾山鄉資福院有神像可考按劉湘焯有上元水利論其言是縣山脈頗詳今附錄之以備考云按上元地脈白茅山北行至句容東北起崙山崙山西起五

棋山五棋山西起華山華山之西南入秦淮北入大江  
華山之硬脊西走嚴山西南落平起胄山左落一支南  
結句容縣治西南正行一支起孔山誌稱爲雁門山雁  
門右落一支西北經上元長寧慈仁二鄉之地起棲霞  
山雁門復折而東南爲上元神泉鄉之地起湯山湯泉  
出於山之左其水東南經上元泉水鄉之地而入秦淮  
民多截之以資灌溉湯山山右之水南流由孔山西經  
上元長寧慈仁二鄉之地由棲霞而入大江湯山東南  
起大城山大城山南爲青龍山青龍東南行一支至上  
元之鳳城鄉爲淳化鎮又西而南行者爲彭城祈澤諸  
山其居中最長而南行直收秦淮者爲方山方山左右  
爲上元泉水惟政二鄉之地其水皆南入秦淮青龍復  
折而西爲武岡山武岡硬脊北走亦與青龍山接又與  
孔山相接而煤井夾窰多在焉武岡西落平岡由麒麟  
仙鶴二門之間而西南起鍾山於平岡未起鍾山之際  
北發一支則起臨沂木廬衡陽以及九邊十八庫諸小  
山此山之水從右發源自麒麟仙鶴二門之間與武岡  
分界北流者則由棲霞入江從左發源與鍾山分界者  
則由華家橋出大水關自觀音門西入江麒麟門南之  
水武岡與鍾山分界者則由滄波門上方門而入秦淮

鍾山西南硬脊從太平門城角入城止於明之故宮西

另一小支則爲覆舟山鍾山北落行大支則起蒼山又

西北起三塔寺山卽大壯觀山南盡於元武湖又西北

山捨兒岡起北固山卽幕府山又西南入城則起盧龍

山又南則爲清涼冶城諸山東分一支則爲雞籠山復

與覆舟山相接諸山縣亘圍繞而成後湖後湖之水則

由雞籠覆舟之間從閘口入城南經珍珠復成大中諸

橋而南入秦淮爲青溪之一曲雞籠與冶城南結江寧

府治而盡於秦淮與大江之交此上元之大勢也按此

考所云雞籠覆舟皆循俗說又不知北水關卽潮溝之

源事出人鑿地脈木由此西達石頭以至盧龍而止盧

龍之東乃古北湖入江之道盧龍地脈與幕府不通也

聚寶山在江寧城南聚寶門外建康志在城南雨花臺

爲聚吳志諸葛恪傳先是童謠曰諸葛恪古曰石子岡蓋葦單衣篋鉤落於何相求成子閣

成子閣者反語石子岡也建業南有長陵名曰石子岡

葬者依焉鉤落者校飾革帶世謂之鉤絡帶恪果以葦

席裹其身而餒束其腰投之於此岡按今江寧有兩石

子岡其在安德門者俗名小石子岡若史所稱石子岡

則今聚寶山正為其地南史始興王叔陵傳晉世王公  
 貴人多葬梅嶺及彭氏卒叔陵啓求梅嶺葬之乃發故  
 太傅謝安舊墓棄去安概以葬其母元和郡縣志謝安  
 墓在縣東南十里石子岡北按今聚寶山正下連梅嶺  
 其為石子岡尤可証景定建康志引舊經云俗說此岡  
 多細花石故名此與多瑪瑙石之言正相合殊為不誤  
 而云岡在城南一十五里則大舛矣自楊吳城金陵此  
 岡去城僅一里耳此蓋鈔撮唐前舊說而未嘗一審地  
 形也其東有梅嶺六朝事跡梅嶺岡因晉豫章太守梅賾家於岡下得名其南有土  
 門岡按即楊忠襄公殉節處今公墓在焉

戚家山在江寧城南聚寶門外鄭文寶南唐遺事韓熙載居戚家山建康志在

城南天禧寺東按天禧寺即今大報恩寺

梓桐山在江寧城南聚寶門外見金陵新志本名梓樹山舊府

志

紫巖山近梓桐山

戚氏志前志以此爲巖山誤縣志或云在城內東南隅有紫石巖峙與城

外赤石磯  
隱伏相直

夏侯山在江寧城南

建康志梁儀同三司夏侯直居此因名之按此事無考

鄧府山在江寧城南大安德門內

按明臨河王鄧愈葬此故名此山舊志皆

不載

牛首山在江寧城南三十里一名牛頭山

寰宇記引輿地志山有兩

峯時人號爲牛頭宋史岳飛傳設伏於牛頭

一名天闕山

文選注引丹陽記大典中議立雙闕

王茂宏弗欲廢後陪乘出宜陽門望牛頭山兩峯曰此天闕也登煩改作建康實錄注天寶初改名天闕山

一曰仙窟山

建康志引六朝記自朱雀門沿御道四十里至山下西峯中有石窟不測淺深梁武

帝於下建寺名曰仙窟山

有芙蓉峯

金陵志引六朝記南有芙蓉峯

有辟支洞

建康實錄

注有石窟不測淺深古老相傳云辟支佛出所梁武帝於窟穴下置寺名曰仙窟寺有一石鉢孟莫知所由來形狀甚古唐神龍初鄭克俊有文殊洞有兜率崖并見取將入長安并誌公展也

志有石鼓建康志引六朝記山南有芙蓉峯北有大石如臥鼓其山中空可坐數十人其高九尺上

下有石洞高一丈五尺有路相通時號爲石鼓天欲雨則

石鼓自鳴

祖堂山在江寧城南四十五里一名幽棲山建康志宋大明三年

於山南建幽棲寺因名幽棲山唐正觀初法融禪師得道於此山爲南宗第三祖師又改爲祖堂山其上

有獻花巖寰宇記法融禪師入定於此百鳥獻花故名其相連有陽山有紫

雲山見江寧縣志紫雲山一曰大山見舊府志按此山卽大

龍之大小山也



巖山在牛首東北一曰龍山

寰宇記宋孝一曰南山南

江智深傳上寵姬宣貴妃般氏卒使羣臣議諡曰懷上不盡嘉號甚銜之後車駕幸南山乘馬至

殷氏墓羣臣皆騎從上以馬鞭指墓石柱謂智一曰段

深曰此柱上不容有懷字智深益惶懼以憂卒

石岡建康志山謙之丹陽記曰秣陵縣南有巖山山西

吳功德孫皓所建也建康實錄其石折爲三段時俗曰

鳳凰山縣一曰韓府山縣志明韓憲王葬此土人稱韓

段石岡正在其地舊府縣

青山在江寧城南四十里縣志建康實錄云梁永康公

承聖二年法師入秣陵青山始創舍名幽巖與佛窟寺

相近不云建自永康又南唐書後主獵青山乃上元之

觀山在牛首西南七八里一日觀子山

建康志

一日蔣碧

建康志按觀山蔣碧止

其下有水下注版橋浦

建康志下

注新林浦按今此水流經版橋浦爲大勝河注於江

吉山在江寧城南四十五里

建康志宋征虜將軍吉翰葬於此因以爲名其

相連有禁龍山

縣志小龍山縣南四十里見南畿志或卽所謂禁龍山也

銅山在江寧東南七十里

建康志山產銅按鮑照有過銅山掘黃精詩

其南

爲金牛坑

見慶元志按南齊書竟陵王子良傳初豫章王嶷葬金牛山文惠太子葬夾石子良臨送

望祖塋山悲感歎曰北瞻吾叔前望吾兄死而有知請葬此地既葬遂葬焉今祖塋山不能定所在

朱門山在江寧縣南朱門鄉

牛蹟山在江寧縣南去陸郎橋五里

縣志山界於太平又有男山女山姑

山亦相近三山聯絡森秀挺拔又顏料山  
廡山在江寧鎮來自太平縣巨數百里

鼓吹山在江寧城南八十里

建康志宋孝武大明七年自江寧縣南登山及靈望

臺甲子館蓋登山奏鼓吹因以爲名按宋書孝武本紀大明七年二月癸亥幸尉氏觀溫泉壬申至都中閒三日蓋有登此館  
事史未載耳

橫山在江寧東南一百二十里古曰衡山又曰橫望山

其半入溧水淮水之流經其下焉

詳沿革及水志

陰山在江寧西南十二里

建康志王導至此有陰山神見夢於導導乃以其事聞上

爲立廟時人遂名其岡爲陰山縣志舊時江水自三山東入沿陰山石子岡北流以達於石頭故元時有陰山

運道

湖山在江寧西南三十里

建康志

馬鞍山在江寧西南三十五里

見乾道志

車府山在江寧西南四十里

建康志六朝常於此山藏車乘器甲故名

落星山在江寧板橋市其西臨大江其山有岡曰落星

舊志即王僧辯連營以拒侯景處案寰宇記以此爲上元之落星山已見前其近水者曰

落星洲又曰落星磯

舊志李白遇蓬池隱者脫紫綺裘換酒爲歡在此按金陵志謂落星

岡有二江南通志合爲一未詳孰是今兩存之

三山在江寧板橋浦西

晉書王濬傳伐吳宿於牛渚部分明日前至三山卽此

上三山在江寧烈山東岸一曰仙人磯

雲臺山在江寧南六十里有虎肱洞

按此山南走栲栳而至姑孰北走天

關而至長于實龍脈起頂大山也而諸志皆逸獨載於舊江寧縣志

烈山在江寧西南七十里俗曰神烈山其下臨江曰烈

洲晉書桓溫傳簡文帝時輔政會溫於烈洲議征討事

太平御覽引晉中興書劉牢之屯烈洲按烈洲卽今

烈山港詳水志又此山舊有侯將軍廟建康志云陳末

定初王彬聚兵於襄陽以窺臺城造黃龍舟千艘泊於

荻港伺而發忽西南風急彬謂得天助張帆直指臺城

而下陳將侯瑱泊舟三百於蕪湖逐後而發戰於烈山

之下用拍竿以撞彬船遇之則破彬鄒大焚之風逆自

焚遂大敗奔魏土人以爲侯瑱功烈甚盛名山曰烈山以

祠祀之歲久舟人以爲陳箒頭祠矣也按此事見陳書

及南史侯瑱傳其年名人名與事皆異今特錄南史以

正之云天嘉元年二月王琳引合肥淩湖之衆舳舻相

次而下瑱率軍進獸檻洲明日合戰琳軍少卻及夕東

西風吹其舟楫並壞夜中有流星墮於賊營及旦風靜

琳入浦以鹿角繞岸不敢復出時西魏將史寧驛其上

流瑱聞之知琳不能持久收軍卻據湖浦以待其弊及

史寧至圍郢州琳恐衆潰乃率船來下去蕪湖十里而

泊明日齊人遣兵助琳瑱令軍中晨炊蓐食頓蕪湖州

尾以待之將戰有微風至自東南椒軍旅拍縱火定州

刺史昭達乘平鹵大艦中江而進琳軍大敗脫走以免者十二三琳因此入齊云云又按烈洲當因烈山而名而其名已早見晉世矣則未必因瑱功烈而後有此稱也

白都山在江寧西南七十里

寰宇記引輿地志昔白仲

天因以爲名吳志諸葛恪誅子棟載其母而走孫峻遣將軍張承追斬於白都卽此也

獨龍山在江寧銅井鎮南十五里

按舊志江寧南有龍山今不詳所在而今

銅井鎮南十五里有獨龍山俗呼娘娘項與太平接疑卽舊志所謂龍山也又縣志云龍山縣西南九十五里龍口山縣西南七十二里考龍口與獨龍止是一山此山南接慈湖東連麻山西越紅幕北連白蕩其縣延固

有二十餘里矣世遂分爲二山也

慈姥山在江寧西南一百一十里二百步一名鼓吹山

寰宇記引括地志山積石臨江岸壁峻絕山上出竹一堪爲簫管屬樂府名爲鼓吹山今並竹竿頌細不任一

曰慈姥磯

陸游入蜀記慈姥磯磯之最巉絕峭立者

其下有慈姥浦

寰宇記引輿地

志又江寧縣志舊有石刻界牌二字注云北潤州上元界南宣州富塗界乃唐刻也

天竺山在慈姥山西其東有水下注慈姥浦

舊志其北連岡十里

本名多聖山唐上元間有天竺福興寺僧道融移寺於此山故名

南岡在江寧城南

晉書郭璞傳王敦收璞詣南岡斬之南史沈慶之傳徒步歸南岡顧起元

客座贊語今周子隱讀書臺下舊有光宅寺乃梁武帝故居六朝士大夫故多家此其地又名南岡武帝評書語曰南岡士大夫尚風軌不免寒乞正指是耳按此說似明人猶呼南岡其地在今蟒蛇倉石觀音院處

赤石磯在南門外

縣志本與周處臺爲一楊吳築城時所鑿也

樂官山

方輿勝覽南唐初諸軍置酒樂人大勦殺之聚塵此山南巖志云不詳所在

茅山在句容東南四十五里茅山鄉其周一百五十里

其高三十里初名句曲山

建康志像其形也金陵後更

名茅山

建康志茅君得道更名茅山按茅君得道及茅

皆荒誕無稽儒者所不當道今悉

其峯曰大茅

建康志

觀北舊記云在崇

曰中茅

建康志在積金山北其

曰小

曰小

茅

建康志在中茅峯之背曰抱樸建康志卽大茅峯曰

白雲

建康志在

曰五雲

建康志在小

曰積金

建康志卽

中茅峯

曰壘玉

建康志引圖經云大茅山上東南三山

壘積亦有洞穴俗多呼壘石之與玉

之門

猶爲

曰華蓋

建康志在崇

其洞曰華陽

舊志有南洞西

同類

曰羅姑

元趙孟頫有

曰茅洞

茅山記洞在

有華陽洞詩

曰羅姑

羅姑洞詩

曰茅洞

茅山記洞在

行七八里能容一二百人其內流水不絕色若染藍石



澗潺湲可愛路通無

窮但險峻難涉耳

曰金牛

建康志在句容崇壽觀東

唐顧況有

其池曰洗心

見舊府志

其泉曰喜客

建康志在茅山樓真觀南

客至則湧

曰撫掌

建康志在茅山崇壽觀前雖早不涸舊記云在鴻禧院東聞擊掌之聲涌

出如沸其味甚佳冬時

曰田公

建康志在茅山一里亦呼柳谷泉

常暖亦呼爲冬温泉

按唐權德輿

曰玉液

有柳谷泉詩

建康志舊記云在茅山崇壽觀後山岡上路西畔仙人捧石北泉若

乳色甘而香能

去腹中諸疾

曰許長史井

建康志在茅山玉晨觀內今有碑碣存陶隱居云舊

在許長史宅歲久湮沒後得井於觀中其曰陶隱居井泉色白而甘按南唐徐鉉有許長史井銘

建康志在茅山華陽宮前橋東井歲久湮沒政和初道士莊慎修索而得之初去三尺許得瓦井欄雖破合之

尚全環刻大字按志載其文云先生丹陽陶仕齊奉朝請王申歲來山棲身高靜自號隱居同來弟子吳郡陸敬游其次楊王吳戴陳許諸生供奉階宇湖熱潘暹及遠近宗稟不可具記悠悠歷代詎勿議焉梁天監三年

八月十五日錢

塘陳宜懋書

其潭曰菖蒲

唐王建有菖蒲潭送人詩

其澗曰白李

建康志在句容

曰楚王

建康志楚王來游領兵於此因名舊記云崇禧觀東二澗是也

曰宜東

建康志在茅山中

曰鶴臺

建康志在茅山曰碧

奈

建康志在大茅峯西二里

曰冷水

建康志在句容縣玉晨觀北

曰流杯

建康志在句容

縣雷平山下

其附近之山曰四平

真誥曰大茅西南有四平山谷謂之方山其下

有洞屋名方

曰良常

建康志秦始皇登句曲山北垂歎曰良常也爾乃羣臣並稱壽歎曰良

往良爲常也

曰華姥

徐鉉有復禁山

爲常矣乃改句容北垂爲良常之山

記曰鬱岡

曰龍尾

金陵志在

大茅峯之東隱然而高狀若龍尾焉按茅山記云從大茅一嶺直至山東接延陵界如龍狀大茅山爲頭壘如

龍尾故以

曰東方

金陵志在縣東南四十里周迴一曰龍尾名之

伊鶻金陵志在柳沂之間柳研卽柳谷泉與中曰雷平

金陵志在伏龍山之東周曰方隅金陵山在雷平山之東北以三小山相隔

故曰秦望金陵志在良常山東北曰丁公金陵志乃積

也相傳卽丁令威所止曰三公金陵志在燕曰僊金陵

今崇禧觀以爲主峯志在縣東四曰僊金陵志

志在崇壽觀曰僊姑金陵志在良常山東南共

姑曰了頭金陵志東曰竈石金陵志在良常山東南共

山曰了頭金陵志東曰竈石金陵志在良常山東南共

曲蓋形曰銜珠金陵志在雷平山曰青山金陵志在鬱

觀北臨大江又觀東一山名東青山西曰岡山茅山

山之間有伏龍曰鼈足金陵志在僊曰天市金陵志在

之鄉可以避病曰鼈足金陵志在僊曰天市金陵志在

曰吳山金陵志在曰青龍金陵志一曰麻姑金陵志在

斤參工監守志 卷之七 山水 卅

日海江

金陵志在慶雲洞上

日獨公

金陵志在小茅峯北

日小竹

金陵志在小茅峯東

日稻堆

金陵志在皇甫谷南

日大靈日小靈

金陵志並在鼈足山西

日虎爪

金陵志在

丁山西

絳巖山在句容縣西南三十里一日赤山

寰宇記引圖經本名赤山

丹陽之義出於此天

一曰赭山

建康志引地志漢丹陽縣北有赭山其山丹赤

實初改爲絳巖山故以名郡按郡

其側有絳巖湖

寰宇記引圖經山在絳巖湖側

華山在句容縣北六十里

寰宇記梁書云武帝輿駕東行至此山因問華山何如蔣

山高薛秦答曰華山高九里似與蔣山等泉水倍多也

今日寶華山其南麓有水

入於淮

金陵志引戚氏志秦淮出此按此非淮之正源說詳水志

竹里山在句容縣北六十里

晉書會稽王道子傳殷仲堪等至石頭元顯自竹里

馳還京師元和郡縣志宋武帝初起自京口至江乘有破桓元將吳甫之於竹里按此卽今龍潭秀山也

長澗元和郡縣志山間有長澗高有翻車峴金陵志引方輿記行

者以其途傾險號曰翻車峴按鮑照有翻車峴詩

虎耳山在句容縣東三十里舊曰苦耳山

金陵志

有沸井

建康志引異苑曰句容縣有延陵季子廟廟前井及漬常自湧沸於今猶然圖經云在縣東三十里虎耳山按南史齊高帝紀昇平二年冬延陵縣季子廟之北忽聞金石聲疑有異鑿深三尺得沸井奔湧若浪其地又響卽復鑿之復得一井湧沸亦然史所言蓋卽此井此山今屬句容在晉宋固延陵境也

秦山在句容縣南三里有明月灣通淮水

建康志父老相傳謂謝安

月夜乘舟垂釣於此今釣基尚存

姜石山在句容縣西北二十五里

新修江寧府志 卷之六 山水

土龍山在句容正東三十里又東十里有驤首山又東

五里有塗山

本舊志

彭山在句容正南七里又南二十八里有周山又南十

里有仇山又南三十里有石麓山有瓦屋山

舊志李白會登此山

望長蕩湖

有白馬山有棠梨山有白沙山有石角山有浮山

有石鹿山

本舊志

亭山在句容正北三十里又北五里有胄山又北十五

里有花礫山

金陵志舊有礬坑

有五棊山又北十里有銅山

金陵

志以舊出銅故名

有戍山

金陵志俗傳沈慶之戍兵於此故名

又北十里有白和

山

舊志相傳僊人白和居此見抱樸子篇

倉山在句容東北五十里

建康志唐肅宗時謁者伍達靈在此得道又有伍達靈潭

東北十里有駒驪山

金陵志吳諸葛恪獵見一小兒衆莫識恪引白澤圖曰兩山間

其精如小兒名曰係囊

甲山在句容西南五十里

舊志宋景定間僧行昱愛其山奇秀故名

巖山牛頭山七星山石幢山官峴山皆在句容西北鳳

壇鄉

以上皆本金陵志及舊府志

中山在溧水縣東十里一名濁山

建康志引輿地志一宣州溧水有濁山一

名獨山

舊府志稱舊志

其下有濁水

建康志引元和郡縣志山前有水源號曰濁水又引

輿地志有濁水流演不息

東廬山在溧水縣東二十里

建康志山謙之丹楊記云縣東有廬山與丹楊分界

按此丹陽記所云縣必溧陽也蓋山謙之時東廬之北乃丹陽之境十道四蕃志太平寰宇記皆云俗傳嚴子陵結廬於此或云形似廬舍因此爲名山有水源二其一入於淮其一入

馬沈港

石城山在溧水東南二十五里

回峯山在溧水東南四十里有龍池有龍泉其東有水

下注平陸

建康志

僊杏山在溧水東南四十三里一名僊壇山

匯船山在溧水縣南十二里一名感泉山

寰宇記

其上有

青絲洞

寰宇記泉脉泓澄四時不絕

杜城山在溧水縣南十二里

建康志隋大業末杜伏威嘗屯軍於此因號杜城



舊有廟  
及戰場

無想山在溧水縣南十五里其山巔有泉下注成瀑布

舊府志

澳洞山在溧水西南二十五里其上有龍潭

石羊山在溧水縣南四十里一名金華山有牧羊僊洞

舊府志卽黃初平起石羊處按此說金陵志猶不載流俗之言也

電山在溧水東十五里其上有天池

觀山在溧水東南五十里其上有泉及石屋

官山在溧水縣東二十五里一名官塘山

舊府志山有大塘築堰以

資灌

溉

烏龍山落步山皆在溧水縣東二十五里荆山李墅山皆在東三十里丁公山在西十二里

舊府志山頂石有宋潘井刻乙亥三

年潘井過旺竹巖看山望馬十四字

華山塔山在西十五里稟邱山石山

冶山麗山乳山

舊志有玉乳泉

皆在西三十里左僊山在西四

十里荆塘山在南一十里平安山半山皆在南十二里

遊子山

金陵志引舊經孔子適楚曾經此按此說無考

段家山皆在南六十里

圓山在北一十里白石山在北二十里臥龍山在北二

十三里錢山南山烏山嶢山愛景山皆在北二十五里

雞籠山麻山秀山六姑山皆在北三十里大人山夾山

蘆塘山

金陵志梁大同二年嘗採銅錫於此

皆在東南二十三里

志其巔有  
育德水

清洪山在東南二十五里馬占山在東南三

十五里箬帽山大山在東南四十里小茅山

舊府志一  
名茨山

山一名  
竹山

在西南三里臘山在西南六十里鳳棲山

金陵  
志父

老云昔有鳳  
皇棲其上

在西南七十里

以上皆  
本舊志

分界山溧水與溧

陽分界

雀壘山軍山塔子山馬頭山皆在溧水石臼湖中

鳳皇山在江浦縣治後一曰曠口山

金家山在江浦城東二十里

陸家山在江浦城西一里又西九里曰馬鞍山又西五

里曰西華山又西十里曰龍洞山山上有湯泉

宋秦觀  
有遊湯

泉記又西五里曰天井山曰峨眉山曰龍洞嶺又西十五

里曰陰陵山舊志卽項羽失道處按陰陵乃漢縣名此山於史無所考又西五里曰

孟澤山曰翠雲山舊志一名北大山

東龍山西龍山皆在江浦城南四十五里又南三里曰

白子山

象山在江浦城北五里又北二里曰獅子山又北三里

曰三乳山又北二里曰福龍山舊府志萬歷間建真武行宮於其巔前有獅子

象山西華皂轟七星巖香爐峯諸勝兩洞穴天門有杏花邨桃源洞東有靈泉曰黃悅嶺曰白

篠嶺曰東華山曰石洞山山頂有龍池山南有香巖

駱駝嶺在江浦城東北二十五里按宋明帝時魯爽自壽陽反趨建業先立

皇於大峴後爲薛安都刺殺於小峴考壽陽路必由清流關今世謂之關山大峴卽關山也注云滁水東經大峴山西北流是也壽州北來之路既過清流關於滁州更無山隘然則小峴其卽今之路駝嶺乎若含山自有大小峴其大小峴今存乃踰山者之兩路非若魯爽所行必先過大峴後踰小峴也山自不妨同名而非古所指若宋武帝伐廣固所過之大小峴乃在琅邪又非此大小峴也

赭落山在江浦城西南六十里又西南十里曰四潰山

舊志項羽敗走至東城漢兵追之羽依山爲陣

定山在六合縣南六十里古曰六合山隋之時山南爲烏江今山南爲江浦山六峯曰寒山曰石人曰雙雞曰芙蓉曰妙高五峯在六合曰獅子一峯在江浦有達摩洞有冥坐石有珠光峽有卓錫泉有虎跑泉有一人泉

有白鼉泉有珍珠泉

按宋書孝武大明七年校獵烏江登烏江六合山又隋書地志江都

郡六合縣縣有六合山又歷陽郡烏江縣有六合山蓋今江浦定山連麓皆古之六合山也隋時山南爲烏江

山北爲六合實一山耳詳沿革志

靈巖山在六合縣東十里有偃月巖有磨盤石有龍王

泉有鹿砲泉有蔡老人洞有白龍池有瑪瑙澗

舊志知縣張啟

宗建塔湯賓尹孫國救各撰碑記

石帆山在六合東南二十五里一名小帆山一名小石

山寰宇記小帆山卽小石山也大江中流轟起若張帆然舊府志山北有出佛洞山之東卽黃天蕩按此山

古臨大江今江面生洲曰龍袍洲由山至江二十餘里矣山不過田間一小阜耳

瓜步山在六合東南二十里

述異記水際謂之步瓜步在吳中吳人賣瓜於江畔

因以一名龜山縣志晉永嘉中鑄鼎肖龜形有瓜洲舊

書五行志瓜步山尾生一洲

冶山在六合縣北五十里舊志相傳吳王

赤岸山在六合縣東南二十里寰宇記山高十二丈土

郭璞江賦鼓洪濤於赤岸庾信哀江南賦艤鳥江而不

渡橫赤岸而霑衣王維詩帆映丹陽郭楓攢赤岸邨皆

指俗曰紅山舊志南兗州記瓜步山東五里有赤岸南

此岸側其勢始衰南徐州記京口禹貢北江也春秋朔

望輒有大濤聲勢駭伏極為奇觀濤至江北激赤岸尤

為迅猛按此二說正為相反當緣所見各有不同而非

江南有兩赤岸也又此山古臨江今亦去江二十餘里

方山在六合縣東四十里按宇文周置方州隋置方山

府蓋皆於此山詳沿革表又

舊志引古樂府云聞歡遠行去相送方山

亭卽此按此恐是江南方山非指是也

橫山在六合縣東

按拓跋魏置橫山縣蓋於此山詳沿革表

馬頭山在六合縣東北三十五里

唐公山在六合縣北四十五里

宣化山在六合西南六十里

嘉定志晉安帝隆安初置秦合於六合之宣化鎮六

合之名始此按此臆說無憑六合始於周隋晉時無此縣也

桃葉山在六合西南六十五里

元和志桃葉山在六合西南七十里南史陳後

主本紀先是江東謠唱王獻之桃葉詞云桃葉復桃葉渡江不用櫂但渡無所苦我自迎接汝及晉王廣軍於六合鎮其山名桃葉果乘陳船而渡按舊府志謂桃葉山在六合西北六十里新修縣志痛駁之考楊廣臨境伐陳不當駐軍百里之外縣志所言爲是而斷以爲山在縣南則亦非也桃葉山卽今浦口晉王山與江浦界者正在六合西南當以元和志所言爲信一日晉王山耳又此山下江渡當名桃葉渡詳古蹟志



按桃葉晉王只是一山初名桃葉以揚廣屯兵故更呼  
晉王耳今六合西南六十里外沿江別無多山尤可證  
西陽山在六合縣東北二十五里塔山枚子山吳沛山  
在東北三十里黃董山符融山在東北三十五里嘉定志符  
融嘗城此俗作芙蓉城按符融安得至此嘉定志誤矣  
蛾眉山桂子山在東北四  
十里牛頭山在東北五十里

烏石山練山在六合縣西北三十里慰斗山在西北四  
十里巴山東龍山在西北四十五里

馬鞍山在六合縣北二十里屏山在北三十里

牟尼山在六合縣南二十五里

盤城山在六合西南四十里以上皆本縣志

盤石山在六合縣西北四十五里

鮑照蕪城賦軸以崑岡蓋此岡

蜀岡在六合東北三十里一名崑崙岡

連延至江都數十里也

學山在高淳縣東一里

舊志儒學在山麓

鎮山在高淳縣東北一里

舊志縣原爲高淳鎮因以名山今縣治其下

遮軍山在高淳東五十里其北有水下入固城湖

建康志按

此山宋屬溧水今屬高淳

城門山大山併在高淳東五十里有水入固城湖經五

堰東入溧陽三塔港

馬鞍山在高淳東二十里鳳棲山在東二十五里游山

在東三十七里游子山在東三十五里舊志一名小游山

荆山在高淳東六十里

建康志舊志卽卞和獲玉之地誤也

秀山在高淳東南三十里其西南有水下注平陸

建康志舊

名禿山近因秦氏居之遂易今名

禪林山在高淳南三十五里

建康志上有寺

木城山在高淳東六十里

應天府志昔紅巾之亂民樹柵其上守之故名

花山在高淳東南四十里

饒山在高淳東六十里其下有天泉

象山在高淳東五十里

舊志明崇正九年三月風雨起一龍土裂路分首尾鬚爪遺蹟

成範有醫士汪姓者掘其首下之土煎出水片數升